



22191


III

Mag. St. Dr. P

ien.

Dzianny Joz. Securitas ecclesiae et patriae

PANEG. et VITAE
Polon. Fol.
№ 1450.



SECVRITAS

ECCLESIAE & PATRIAE

AVITA ASCIA

ILLUSTRISSIMI, EXCELLENTISSIMI & RE-
VERENDISSIMI DOMINI

D. PETRI

Comitis in Czekarzewice

TARŁO

DEI & Apostolicæ Sedis Gratiâ

EPISCOPI POSNANIENSIS

ABBATIS COMMENDATARIJ PARADISIENSIS,

FIRMATA.

*Et in primo Urbis & Cathedræ Ingressu applau-
dente Honoribus Suis*

LUBRANSIANO COLLEGIO

M. Josepho Dzianotty, Phil. Doct. Scholæ Rhet. & Diale-
ctices ibidem Professore

PRODUCTA.

Annō quō
res Mo Derant saCras, seCVra aVXere JENNIS

POSNANIE, Typis Academicis.



Pacem consignant affixa Penatibus Arma,
 Hanc fundat Lechiæ, TARŁOVIANA Domus.
 Securè Patriam servat, tutatur & Aras,
 Divinum in terris ASCIA robur habet.

Applaudit Felix de Radomicko Radomicki,
 Castellani des Poshaniensis, Scholæ
 Grammatices Studiosus:

221.9.1 III

BIBLIOTH. UNIV.



JAGELLONICAE

SECVRITAS ECCLESIAE & PATRIÆ



ONOR; quem Posnaniensis nunc ornat
Tiara, etsi jam tertio, ad Te tramite
venit, ut hinc Fasces & Infulæ, inde
Curules & Trabeæ ad Coronam me-
ritorum descendant: tamen cum hæc
non nova apud Te decora, ut pote
Purpuratæ TARŁONUM DOMUS
hæreditaria, sic Tecum simul nata,
nihil ab illis Tuæ antehac amplissimæ accedit magnitu-
dini, nobis verò plurima felicitatis augmenta. PRÆ-
SUL ILLUSTRISIME. Sublimatur Polona libertas,
A surgit

furgit excessu lætitiæ & magnitudine gloriæ in immen-
sum evecta: quoties honor minacibus ex alto fastigijs vi-
sendus TARŁONUM supplex Regiam pulsat. Diem
fortunæ suæ velut ab astris ortum, Lechicus adorat orbis:
ubi in Sole honorum nativo gloriæ fulgore, virtutum lu-
ce ILLUSTRISSIMI radiant TARŁONES. Constanti
Gentis nostræ iudicio, & fide sæculorum loquor: quæ,
Polona hæc Numina, statim ab ipsa vagientis Regni in-
fantia, hucusque Patriæ traduci ē Coelo spiritu præesse,
& Divina prope rerum moderatione prodesse, mirari non
desinunt. Hæc inusitatæ virtutis prodigia Trabeatæ
DOMUS TUÆ PRÆSUL ILLUSTRISIME omnis co-
gitat memoria: hæ in hoc Auspicatissimo Ingressu Tuo
Senatûs Populiq; Poloni; quorum examina communem
plaudentis Patriæ adornant lætitiā, provocatæ spes, &
magna crescunt auguria. Probavit orbis, tot merito-
rum præmissis, quàm non sint TARŁONUM privata ho-
norum incrementa, sed eadem felicitatis publicæ: quidni
nunc festivo gaudiorum motu, & triumphali assurgat
omine? dum in Te per Sacra Regni fastigia, fortunam
suam vidit sublimari. Occupas Præsuleam in hac Ma-
jorica Sedem, qui pridem spes omnium, vota & desideria
occupasti; tantumq; nunc erigis, quantum ipse ascen-
dis: ut meritò cunctatione quadam inter se hæreant, ma-
gisne honori Tuo, an felicitati suæ applaudere debeant?
Evocas præstolantes Te optimum Præsulem animos, imo
arcana quadam potestate Tecum in Fastigium rapis; qui
non aliter eminere eligis, nisi ut per Te omnes emine-
ant. Et certe idem est Tuus & Noster ascensus, cujus
subselliis Patriæ fortunam augescere, fascibus libertatem
reflorescere rarò sæculorum exemplò, ad normam Poste-
riorum notamus, porrigimus. Ibis in exemplum Prin-
cipum, ibis in totam æternitatem o Præsul! ad magnæ
virtutis prodigium, quàm Te ipse Boni publici amor,
non privatæ dominationis ambitio, fortunæ Nostræ, non
dignitatis desideria ad Infulas evocarunt. Æstimamus
tan-

tanquam Nostrum Honorem Tuum, cujus æmulam Superis celsitudinem, dum Avitis Majorum splendoribus & propria meritorum luce accendis: nos ex tanto syderum concursu Cælum credimus, in quo Te ipsum horoscopantem Jovem veneramur. Prædicere nunc meliori eventu ex Tuis Astris, aureum Polonæ genti possumus diem; quem olim Natalis Palladis, nunquam à Cœlo, ni à fabula produxisset. Digna hæc de Te omnium observatio, meritorum argumenta dum appellat, convincit; nunquam posse à Virtute Tua semper publicis rebus salutaria volvente, non magna, non beata sperari. Sed dum cuncta in altum promotes, ipsam sub tanta celsitudine gloriæ reptabundam relinquis facundiam: maxima enim in Te scribere volentibus, majora exhibes, ut vel ipsa argumenti amplitudine, omnium ex voto modestiæ, incepta termines, conatus confundas. Æternitate rerum Tuarum, impares Oratorum panegyres effugere tentas, non tamen poteris: deficient hi potius, quam triumphalia ingressus Tui & publicæ lætitiæ vota, nullam sibi præscribant legem. Unde minuet debitum, crimen audaciæ meæ, quod inter festivas omnium acclamations, facundas aliorum voces, incondito quantumvis sermone laudes Tuas balbutire audeam. Excudit nativum chartæ pallorem ipse tenuitatis suæ conscius laudator calamus, nec unus metuit, cum plures habeas. In confertissimo suavioris harmoniæ concentu facilius latet choralia: inter diffusos tubarum clangores, tantum tenuis nocet tibia, quantum si fileat: & congesta auri copia sæpius excusat paracharagma, quamvis appensum libræ pondus non adæquet. Ingredieris cunctis plaudentibus Supremam honoris Præsulei Augem, & jam solis imitatoris naturam: cujus in ortu non ipsa eminentior Cedrus, sed & humilis arundo, suas exerit vires, & grandia tentans, longissimam projicit umbram. Hanc & ego cum meliora non possim, scholasticâ nigrescentis alphabeti diffundam pennâ, quam tu timore audaciæ pallentem

æmulô Phæbi ingenio, meridiæ virtutum discutiens, serenabis. Eriget humile ex se opus Architecta semper gloriæ Ascia : dabit suum pro Oratorio acumen ; Lunas pro lumine Rhetorico. Tantum itaq; veritati innixa procul ab assentatione prodibit Oratio : quantum ILLUSTRISSIMÆ DOMUS TUÆ Ascia, ipsa Operum suorum aderit testis, fidemque excitabit, quàm beata Ecclesiæ & Patriæ Securitas, ab ejus Divino planè firmetur robore.



Abentibus in occasum sæculis, dum jam Orbis propior ad tumulum, etsi angusta omnia, eò fortioribus quòd extremis conetur viribus : nulla tamen inter emortuos vividæ virtutis conatus Phænicem agit fortitudo, quæ Divinos concipiat spiritus, ut ad veram præsit fortunæ nostræ securitatem. Quem pro hac non movet lapidem, molitrix ingentium operum humana cogitatio? quantum se per summâ non erigit? & sæpe irritò laboris nisu, in imis hæret. Erigimus Babylonias turres, Tarpeias arces, malè persuasi: sic securè contra fortius arietantes ballistas latitare posse, mox ex tanto sumptu superba habituri busta. Obruimur hac struë lapidum, ipsa fiduciâ fracti miseri Polydamantes, toties ipsis ingemiscientibus manibus, præsidia nostra ad solam prodesse ruinam. Accendimus Alexandrinæ Pharos, Siculos ignes: ut semper vigiles fata inveniant: ne objectante phantasmata Morphæo, primum nos mortis occupet. Lampades tamen hæ non præcludunt fatorum viam, sed monstrant: ignibus non extinguimus flagrantis Trojæ ignes, sed augemus, & sæpius eò turpiori incendiò, quòd tutelaribus adurimur flammis. Laboratum est curis ingentibus, pro ambitioso Thebarum Antemurali, quoadusq; centum assurgeret portis: sed & his quòd nondum potuit claudî securitas, profundius suis insēpultæ ruderibus sæcula nostra erudiunt. Satis enim ad periculum, satis ad fortunæ discrim-

discrimen egimus, datâ ad nos irruentibus malis tenuiori
rimâ, quid? si tot ostia pateant. Ita semper spes nostrâ
mendacissima componunt oracula, quod fortunæ splen-
dorem putant, fulmen est; quod trophæa vitæ æstimant,
patens sepulchrum reperiunt. Cautiùs tamen fata accu-
setis mortales, ne scelus in authorem redeat. Conviti-
um est, quæsita lachrymâs decorare funera: plenam que-
rulo fletu attollere vocem, & nunquàm satis deslenda
patrare. Opprobrium est Erisichthonem famelicis Satur-
ni dentibus corrosum dicere, aut Ajacem Achilleis ceci-
disse armis. Nulla nobis quies, nulla securitas, quia sæpe
dolosus sceleratarum mentium astus, æstus ejus est; sub
quo æternum languet & fatiscit. Pessimas inquam per-
versum sæculi ingenium didicit anthiteses, ut jam sce-
lus virtuosum, fortunata infelicitas, robusta debilitas di-
ceretur. Nimirum, multi; Joves aut Dij Tutelares scri-
bi & adorari ambiunt: qui cuncta ad graviores casus
movent & impellunt, modo cæterorum ruinis altius emi-
neant. Supponunt nonnunquàm vastos ceu Mauritani
Atlantes, ferendæ Regnorum molis humeros, & nonni-
hil ad mendacem famam attollunt: sed mille fraudum
Magistri, iterum repente gradum è vestigio movent, ut
pondus illud; quod se sustentare diutiùs fingeant, ruat
ab alto ponderosius. Sæpè nutritios simulant se pappas,
blando ad tempus arrident gestamine, & dum maximè
fovent, foveam effodiunt: ut eò tutiùs, quod sine conjectu-
ra Rerumpublicarum agant Vespillones. Ominosum
imperij & non ferendum, hunc intra viscera recondi Eu-
rybatem, à cujus calliditate, dum omnia morte frige-
scunt, ipse laudem à crimine sumit, & ad vitam Patriæ
amicum Naturæ! inspirasse calorem, contra solem menti-
ri audet. Verùm attendite Sinones & Horostrati, scin-
tillæ quas doloso supposuistis cineri, accendent quidem
Divorum Metropolim Trojam & Ephesia delubra, sed &
orbis Phæétontes, medias inter flammâs perpetuò ad vin-
dictam sæculorum fumabunt: nec ab ijs, sceleris sui pro-

teatrices silentij umbras invenient. Cortina hæc vitio-
rum est, sed magna Regnorum securitatis injuria: Pro-
theum esse, & statorem dici; Philotam agere, & Cenfo-
rinum scribi? proditorem Lacedemoniorum Pausaniam se-
qui, & Achillis nomen induere. Sic tegi, sic latere, Popu-
lorum & Imperiorum ruina, quæ non ita à Polyphemis
illis occultis nocuisset, si prius notuissent. O portenta
in ultimas terras deportanda! non sic tuentur ad securi-
tatem Regna Patria & Aræ Divorum. Grande nego-
tium hoc, integerrimæ fidei Herdæ, non Nattas; ære tri-
plici cusa Fabiorum pectora, & fideles candore poscit
Palantes. Horum intaminata virtute servari, tutelaribus
protegi armis, magno ad vitam meliorem animari spiri-
tu, Regnorum fortuna & robur inconcussum, ad veram
securitatem.

Applaude felicitati tuæ Polonia, cui Victrix sæcu-
lorum ASCIA, perenne securitatis erigit trophæum. Tri-
umphæ gloriosè tot gentium labores; quæ quantum olim
in prægrandi armorum mole spe peccaverant, tantum
Tu Uni, fidei debes. Nec ambigendi locum relinquo, ne
ex intervallo res effingentium morem geram, præsidium
hoc TARLOVIANÆ esse ASCIÆ adjicio, & jam satis
ad oraculum. Absint fatidica Sybillarum folia, nihil à levi-
tate horum, nisi pondus mendacij legeris: non necessita-
mus Tripodem cuncta sub ambagibus responsa volven-
tem, ad cujus veritatem argumenti sufficit, si ex pro-
missis gaudiorum præmissis, gravi Philippidem suffocet
cabinno. Nihil blandimur sub ASCIA fortunæ nostræ,
probrum nimis & non ferendum his eam metiri ludi-
cris postquam Polonum impleverit orbem. Demonstra-
ri non debent, quæ scimus: fidem excedunt, quæ vidi-
mus: dubitari non possunt, quæ sæculorum evincit con-
scientia & operum æternitas. Avitæ ILLUSTRISSIMÆ
DOMUSTUÆ ASCIÆ PRÆSUL PURPURATE tota
se debet Polonia, à qua fatemur, tantum eam decoris ma-
jestatis & splendoris accepisse, quantum ipsa optare po-
terat,

terat, nemo sperare. Nec aliunde rerum magnitudo; quas gessit, dignosci potest: nisi quod capacissimæ etiam cogitationi hominum nihil æquale fecerit, omnia virtuti suæ. Quæ nunquàm sæcula orbi promittere auderent: hæc momentò Lechiæ aurea TARLONUM dedit Bipennis, quoties aciem contra hostes instruere visa. Unus pro Græcia Achilles; pro toto Illo unus Hector; una pro nobis bella gessit ASCIA, gloriam Gentis auxit, Patriam protexit, Cives servavit. Calcavimus immanem Othomanicæ Lunæ fastum, cujus cornua victoriosum hoc non semel decussit Ferrum, & nostris dejecit pedibus. Fulgentissimum TARLONUM ASCIÆ lumen, verius fulmen est, quod Regnatricis Polonorum Aquila, quoties in hostes protulit, imponentes Pelion Ossæ Encelados, sub Æthna & Siculis montibus gemere fecit. Nunquàm nobis ad portas metuendus imminebat Annibal, quibus hoc mille clypeis & omni armatura fortium validius appendebamus Monile. Sanè, ASCIA hæc, bellorum Arbitra, Gentium Domitrix, trophæorum Architecta, quæ plures in coronam Patriæ victrices demessuit laureas, quàm de Aricijs Diana nemoribus, aut suis Albunæa viretis, omnibus sæculis tantæ dotis exagogas concedere poterit. Nimirum infra suos ingentium operum conatus duxerat, Principem in fundamentis Regni hujus Architectam egisse, & ad supremos gloriæ & majestatis non deducere tholos. Parùm namq; æstimantur virtutes, quæ ad radices rerum subsistunt, & dum fastigia promittunt in imis labores fastidiunt. Nec pumiliones ausus hi inertiam distant: minùs enim operosi sunt, qui inter duos terminos medium non admittunt, ubi inchoant terminant. Hæc vera gloriæ majestas, & augustissima moles orbis pupillas rapit, & ingenti admiratione triumphat, quæ etsi tempora diuturna expectatione lacestat, tamen ab opere non subsistit, donec in fastigiatos desinat vertices. Tantùm pro Patria à primis Ejus cum Lecho principijs, adusq; TARLONUM impendit ASCIA, ut nunquàm se, laboribus sæculorum

lorum, hebetari posse deduceret. Hinc maturè Tecum
dispice Polonia! quemnam malis Conditorum dicere?
Lechus Te fecit: hæc adusq; perficit; imo si fecisse dici
potest, cui fortè ut esses sufficeret, velle, ni hujus operâ
uteretur. Hæc inquàm, cum omnia in Te ad prodigia
sæculorum & ingentem promovit gloriam, excessit Tua
meritis præmia, cum qua Cælum etiam sua partiri debuit
decora. Lunas suas appendit, ut emeritæ virtuti tri-
umphales erigeret arcus aut ut ab hac, cui se ipsa submit-
tunt sidera meliùs Polonum orbem, quàm à Motrice re-
gi Intelligentia indicaret. Utrumq; non ab arte ingenij, sed
à virtute **TOPOREORUM** admittimus, ad quorum coro-
nam meritorum, quòd etiam altiores Cælorum sphaeræ
descendere vellent: Luna Planetarum infima Prænuntiam
agit. Hæ sunt Astrorum de **ASCLÆ** curæ, quas dum etiam
inter primos Regni Fasces, Trabeas & Curules pulcher-
rima æmulatione accendunt, venit undiq; honor, ut in
una Domo totum dilataffet Senatum. Sic deficiente in
Nepotibus Lecho, primam inter duodecim Principes Pa-
latinos occupavit **TOPOREUS** Sedem: ut à prioritate juris
hæreditatem in Senatu Successoribus suis porrigeret. Ad-
mirandus jam pro tunc **ASCLÆ** splendor, omnem famâ
suâ impleverat orbem, cui securius propugnandæ Rei-
publicæ integritas crederetur. Et quidni credi debuit?
quæ in Magnis de Panigrodz, Luknia, Danaborz, Prægi-
nia, Comitibus **TOPOREIS**, plures Patres Patriæ & Defen-
sores dedit: quàm olim Xerxes vastissimos à tota Perside
exercitus, in Græciam armaverat. Certârunt hi pro
Regno nostro invicti Heroum Principes, Cæsare & Pom-
pejo felicius, tantùmq; orbi Polonum commendârunt
Nomen: ut jam nihil ei ad perennem posterorum gloriam,
nihil ad terrorem gentium defuerit. Et jam hic è nu-
be sæculorum; quam vix laudator reteggit calamus, ipso
meridie altior lux quædam oboritur, & totam oculorum
perstringit aciem, ut demissos sub tanta Luminum maje-
state vultus debitæ admoneat reverentiæ. Nativum hoc
ASCLÆ

ASCIÆ jubar, quod in Zegothis, Tęczynijs, Novogijs, Of-
solinijs, Zaklitis, Zbilutis meritorum gloria serenavit. In-
tende pupillam orbis! quæ sit tantorum Nominum clari-
tudo? ambitu sæculorum emensa, obtutus posterorum in-
currit, ne suæ magnitudinis suspendat mensuram. Vicit
tot temporum injurias, tanto æternantis famæ excessu, hæc
Polona de TOFOREIS Fabiorum Turba: sed simul & Ora-
torum ingenia vicit. Nihil hîc Tullij addet eloquium:
ubi nec ipsa sibi sufficit cogitatio, nec tantum assurget
facundia; quò exquisita quantumvis meditamenta, ne-
queunt sublimari. Onerastis Historicorum calamos, Magni
Herodæ! qui licet vestram meritorum celsitudinem non
exæquent, nec pro sua amplitudine omnia narrent: jam ta-
men ipsam æternitatem excedunt, quæ legimus. Parcite
huic elogiastæ paginæ! quòd vestra non capiens Nomina, ju-
stò adoret silentiò: impar enim huic syllabo; qui integra or-
bis volumina, redegit in angustias. Nondum tamen tenuis
penna, dum ita se abripit; à laudibus vestris subsistit: non-
dum tacet, etsi jam sermones coarctet. adhuc ad Aram No-
minis Vestri Rhetoricam verborum cogitat hecatomben;
quàm Sietigio seu SIECIECHO, Palatino Crac: Magno olim
Sarmatiæ Marti, litatura, triumphalibûs Ejus accendit
flammis. Nullæ inter Vos sub eodem genere differentiæ:
quos gloriæ communio non secernit, ASCIA non divisit.
Æstima tantum Nomen, ex immortalibus BOLES-
LAI Chrabry meritis Polonia! suam cum hoc partitus
gloriam, eâ famæ non virtutis injuriâ: ut quidquid ab
illo esset sanguine partum; dos Regiæ Purpuræ haberetur.
Nimirum speciosissimum illud trophæorum opus, quadra-
gies septies repetitis de hoste victoriis auctum; ni adulator-
ium Regibus Methonimiæ immisceas modum, Principi
inter arma militum, Sieciechianæ debetur ASCIÆ. Apello
Polona antiquitatis monimenta: fidem dabunt, quàm hæc so-
la prælia gessit; Rex numeravit: hæc vincere debuerat; ut
ille triumpharet. Parum est emortuis, cæsum cadave-
ribus victorioso insultare pede, & Capitolium ingredi

C

non

non tamen prius Boleslao licuit, donec SIECIECHUS tot animarum exuvias hostem deponere coegerit. Ita est. maximus hic Heroum Alcides, cum omnia Rege digna fecisset: solo hoc titulo minor, quasi jam non sua existimans, Regia dici voluit. Suffecerat Boleslao ad augmentum immortalis gloriæ hic Ephestio, qui cum omnia pro magnitudine Regia posset: implevit Ejus desideria pro Patria, supplevit pro DEO. Pari namq; cum Rege liberalitate, æquali in Superos cultu, Sieciechovienſe erexit Asceterium: ut jam nihil sit, quin ambigere possimus, simul hos Aris & focis præfuisse, simul quoq; Patriæ regnasse. Nec hinc fortunæ nostræ audeant suam conferre Romani; **TOPOREORUM ASCIAM**, divisum cum Regibus habere Imperium, quæ olim Quiritibus jura dabat. religiosius semper Lechia hos coluit Fasces, tantumque Romuleis prætulit: quantum sublimius habetur dominari in Deos, quàm in populos. Contremuit tantum Roma, justo reverentiæ timore ad suas secures: hinc ad erectam **TOPOREORUM ASCIAM**, ipsa Numinum corrue-re delubra. Nempe illas Ausoniæ adorabant gentes: coram Hac etiam ipsi cecidere Dij. Hæc dum memoro: conscius rei hic Lechicus orbis jam se reverentius movet, quòd de Corona agi intelligat. **STEPHANUM** inquam propono, primum Gnesnesis Tyaræ Archi-Præsulem, Frontem illam Senatûs & Polonæ Religionis; ad quam primum in Regno nostro falsorum Numinum simulacra, suis erubere flammis. Accendit hic Sanctior Lechiæ Numma pridem rogò digna idola, ut putidius ad molestiam inferorum fumarent, quàm illis odorata prius Arabiæ thura, aut Minæorum obobalsama redolebant. Comminuta tunc ab ASCIA illa jacuere deastra, quæ turpiter ut divinitatem suam; ita æternum stare mentita. Riseret jam cæcam superstitionem hominum ipsi inter sua busta prominentes Dij: quòd truncos; quos tam diu coluit, uidere non poterat: donec adusta Cycloper fierent carbonaria. Nec fortè adusq; vidisset: ni excitato, à Chalybe

be TOPOREORUM igne, in medio Deorum incendio
 lumina quæ cum fronte amiserat, invenisset. Redivi-
 vum hunc nobis STEPHANUM Poloniæ Proto-Præsulem
 quis non dixerit? sub quo tanta Cælorum, perpetuam
 dormientibus noctem facta apertio: ut à mortis exciti
 somno, ad Lumen vitæ & æternam evigilaverimus diem.
 Age tecum Lechia! quid pro hac ILLUSTRISSIMÆ
 TOPOREORUM DOMUI debes. Nihil hîc honorum
 serenitas: Hæc lumen fidei dedit. Fasces, Sceptra &
 Coronam ne cogita! Ipsa Te totô Cælô regnantem fecit:
 dum Romæ obedire docuit. Excessit eousq; tua præ-
 mia: quò Te altiùs è tenebris idolothyfiæ extulit, ut cum
 DEO ipso conjungeret. Amplissima Senatûs decora; quæ
 jam TOPOREÆ malis dicere, adhuc altitudine merito-
 rum infra se despeçtabit: cui nihil æquale dare poteris,
 qui Tibi DEUM dedit. Quodsi vel de Anthonomafia
 tibi res est! quâ dignè TOPOREOS ad facilem magnæ
 virtutis conjecturam compellare possis: vicit, triumphat
 maxima vocis difficultas, etiam exquisitissimos Artis Re-
 thoricæ modos. Si Conditores, Reges, Patres Patriæ di-
 xeris! nihil adhuc: si Tua adjicies Numina! rem sine adu-
 latione expressisti. Nec enim in Cælos superstitione pec-
 care poteris! si velut Numinum simulacra, Tuos adora-
 veris TOPOREOS: utpotè, inter Quos primùm, lapi-
 dante idola STEPHANO, DEUM verum invenisti. Quare
 desinat jam invidus mirari livor; quòd per tot sæcula,
 trabeata Magni TOPOREORUM Sanguinis Purpura, ad
 augem usq; ævi nostri deducta, tanquàm nuper emerfis-
 set, indeficienti Palatina, TARLOVIANÆ DOMUS atria,
 perennis gloriæ circumalluat fonte. hausit enim immor-
 talitatem à Numine; in qua priùs latuit, antequàm Illud
 Polonia nosset. Sic Architeçta Imperij hujus & Polonæ
 Religionis ASCIA, quòd nondum attritam tenuerit aciem:
 Ille Angularis Ecclesiæ Lapis; quem ad nos à Petra de-
 duxerat, continuum Ejus intendit acumen. Hæc ego
 Antiquissimæ DOMUS TUÆ PRÆSUL ILLUSTRIS-

SIME vix prima innuo decora, fidem sup̄erum! Neptu-
num Peneô, Thetidem tenuiori Nymphâ, aut totam æter-
nitatem una circumscribere die, prius tenui calamo tam
ardua non contrariarentur contraria, quàm vel sola ma-
gnorum Aborigenum Nomina, ampliori æternitatis sylla-
bô, recensenda deduceret. Diuûm enim Genus hoc, &
Princeps gentis nostræ Profapia, tot illustres Majorum ac-
cendit Ceras: ut ab æmulis Cælo splendoribus, in Nobilius
degeneret Firmamentum; cuius si quis ad summam re-
vocaverit sidera, productum TARŁONES monstrabit
Non est Oratoris assentatio, DOMUM TUAM Cælestium
ignium Metropolim, aut Fontem luminis dicere: à qua
omnes Regni hujus Familiæ, velut Promotheus à sole, illas
gloriæ accendunt tædas; quibûs ad igneum ILLUSTRIS-
SIMI NOMINIS incalescunt decorem. Nullam hîc, ori-
gine Polonam legimus Familiam; quam pro ipsis suæ in-
fantia cunis, medias inter alas, velut olim Aurelianum,
Lechica sustentavit Aquila, & dulci ad Phœbum agita-
bat petaurô; non à TARŁONIBUS descendisse. De-
scendêre omnes, sed in eo ascensu; cuius nunc ipsa fasti-
giorum supercilia; quæ Cælo caput inferunt, beatorum su-
pereminent celsitudine. Hæc namq; maxima omnium
Profapiarum gloria est, primos deducere TARŁONES:
Quibus idem est, horum se splendoribus submittere,
quod Lunæ Superioribus Planetis; & tamen ipsius Phœbi
nosci sororem. Quas nunc Polonas, miratur orbis Fa-
miliarum Cedros, à palmite TARŁOVIANÆ crevit Ar-
boris; quæ se in plures exasciavit ramos, sanctiorem no-
bis Dodonam plantatura. TUÆ ILLUSTRIS-
SIME PRÆSUL DOMUI, tantum tota Regni Nostri debet No-
bilitas; quantum nunc gloriæ habet: cum non prius Polo-
na; antequàm TARŁOVIANA diceretur. Sed dicere
non sufficit patritiam Lechiæ Genesim, communicata ab
ILLUSTRIBUS TARŁONUM Ceris, ignescere luce: etiã
illi Penates; quos extera pulchrius ornavit Lucina, ut vir-
tus Polonos faceret, non plus posse habere splendoris;
quàm

quàm sibi ab ijs concefferint: adhuc ad suæ augmentum
gloriæ recognoscunt. Quas namq; Togas, Laticlaviam &
Purpuras induunt; illæ prius TARŁONUM fuere; tan-
tūq; cum his accipiunt decoris; quantū hæ ab illis
derivârunt. Rem ipsam absq; involucris proponam: Se-
natūs Trabeæ, Regni nostri insignia, hæreditaria ab
antiquo TARŁOVIANÆ DOMUS possessio, vix unquàm
alienas ornarent manus: ni innata hujus permetteret mo-
destia. Partiri cum alijs illa voluit decora, ne una omnia
teneret: tenuit tamen, sed non simul. Et hoc demum
est PRÆSUL ILLUSTRISIME, quod vectigales Hono-
ri vestro calami, quoties TARŁONES celebrare inten-
dunt, Senatum explicant: quasi jam sine illo nosci non
possint; quibus simul in mundum, simul in Ejus fastigia
nasci, cognata dedit cum luce potestas. Ascendam & ego
per singulas Trabeati honoris species, non elogiorum novi-
tate; sed tantæ singularitate gloriæ, supremum Genus Tuū
deducturus. Et ne aliquid in laudibus omittam, hanc prius
veriorum orbi persuadere velim Anthonomasiam: ut quo-
ties posthac Polonū innuet Senatū, semper ILLUSTRIS-
SIMAM TARŁONUM DOMUM intelligat. Nihil enim
huic ad tantam deerit magnificentiam; quam orbi dedu-
cere, ut à summis inchoasset, à Diademate cepit. Pri-
mò à Rege Archi-Præsul STEPHANUS confedit foliò, &
ad Thronum etiam, jam à Coronato Nomine habuit suf-
fragium. Magnò certè Divini consilij arcanò nutuq;
actum est, quòd ILLUSTRISIMA TARŁONUM DO-
MUS, totum olim habitura Senatum, à prima statim fron-
te, potiorum ejus partem, Coronatum produxisset Caput.
Quamquam plures hæc Patriæ, ad Majestatem suam Sacro-
rum dederat Reges. Auxit hujus Senatus decorem,
PAULUS de Czekarzewice TARŁO, qui ipsam Archi-
præsuleam Leopoliensis Tiaræ purpuram, tantum pre-
tiosis virtutum ornavit gemmīs; ut longè pulchrio-
rem redderet, quàm acceperat. Illuxit hæc magis, quàm
nativa luce, splendoribus Ejus; quorum hæresis toties vi-
dit

dit meridiem, & ægram oculorum sensit ophtalmiam.
Rugijt vocaliùs, sub tanto PRÆSULE Roxolanus Leo,
& tota hostium Ecclesiæ, contremuit acies: Roma, ad
tam victoriosam vocem exultavit. Implet Tiaratum Se-
mideorum confessum, STANISLAUS TARŁO; in cu-
jus gemino Præmisliensis Infulæ radio, ea meritorum re-
fulget serenitas; quæ erat Cælestium, ad verticem Atlan-
tis siderum. Præmisliæ Pastorem egit, & ut orbis, unum
Christi fieret ovile, cogitabat; ex quo suæ meditabundæ
pro DEO Diœcesi, ingentibus curis responderet. Cre-
diderim disseminata, per Poloniæ agros, DIVI STANI-
SLAI Martyris membra, in illam etiam cecidisse oram,
messem magnarum virtutum, in Ejus Nominis PRÆ-
SULE allatura. Expressit Hic, vivam Tutelaris imagi-
nem; cujus Superis conterminos vultus, nulla Apellis
exprimet manus: nemo totum, qualis quantusve fuerat,
pingere poterit. Effundit se calamus, per tanta TARŁO-
VIANI SENATUS Decora, & cum domi steterit, hu-
manas filet panegyres; Cælestem enim offendit Ge-
nium. Nihil hîc Tullianæ intelligent laudes; quas orbis
Sarmatici triumphat Intelligentia: nihil proficient; cum
nullum verborum pondus, gravem MICHAELIS libram,
plenam meritorum æquabit. Magnus hic Urbis Posna-
niæ PRÆSUL; in quo viva mens resederat, Patriæ &
Ecclesiæ: quidquid enim, de illa altô præconcepit animô;
salutare vidimus: quidquid de hac; verè sanctum pro-
bavimus. Res hæc, ævô nostrô spectatissima, oratoriis
coloribus illustrari non quærit; cum neq; pro sua magni-
tudine possit. Claudimus totam in nucleo, elogiorum
molem, tantum piissimum ANTISTITEM pro Polona li-
bertate egisse, ut Phænices Senatorum; tantum pro DEO,
ut gemmas PRÆSULUM ingentibus meritis excesserit.
Sed quid de IOANNE dicam Kijoviæ PRÆSULE? imo
quid jam sub tanto non dixi Nomine? cujus gratiosum
Ethymon, Angelica in omnes comitate, impares Charitum
multiplicavit numeros, & Pœtarum cumfudit ingenia:
quòd

quòd plures in se exprimere potuerit, quàm illi nūme-
rare, fingendo. Loquentur ad invidiam sæcula nostrā
æternitati; quæ dulces PRÆSULIS meruere vultus,
quanta sit eorum felicitas; ut vel ab uno sui aspectu, mil-
le prope gratiis, Regni Aquilæ pupillas, majestatis ad-
miratione defixas, pascant animentq;. Et quidni tantum
ad Cælum frontis suæ, erectos in oculos possit? qui omnia;
ad depressum terræ pulvinar, projectos in pauperum vul-
tus. Succurrit horum inopiæ Regia liberalitate IOAN-
NES, & dum se velò modestiæ tegit, magis adhuc igno-
ranti turbæ notissimus; quæ inimica silentij, sæpius eleva-
ta ad Superos voce, Gratosum compellat. Porro, omnia
in Eo ad normam virtutis composita dicere, Magni No-
minis injuria est: animata Hic creditur Virtus; cui se
totam infudit, ut unum cum PRÆSULE fieret Indivi-
duum. Adeste ingeniosi Timantes! aut vos non ceden-
tes Parrhasio Zeuxides, transferte maculosis aurò colori-
bus, nostrum in tabulas ANTISTITEM: ut posteri vixisse
inter mortales virtutem, videant & adorent. Trabeatam
hanc à purpura Senatoris dabitis ideam: Fronti Tyaras,
Mitram imponite! veniet & hæc ad coronam virtutum.
in Oculos duo Cæli descendant luminaria: pari in omnes
influxu æmulantur. Manus liberales, aures ad voces
gementium pronas, os ex dulci eloquio aureum, pectus
meridianum Angelici Doctoris THOMÆ induens Solem,
artifici pingite penicillo. Illud tamen in hac thaumatur-
ga imagine servabitis! ut tot inter decora, modesta appa-
reat: sic enim primum veriora erunt, PRÆSULIS li-
neamenta. Ad sacram itaq; tot Purpurarum fimbriam,
profunda cadit Oratio, & imparem professā facundiam,
cum tantis loqui Numinibus, in verecundo tenuitatis ru-
bore, humile elogij genus, ipsa tantum erigit reverentia.
His tandem à genu procidens, dum se sacris submittit
splendoribus; jam à primo Infularum descendit vertice,
& adhuc in summa omnia offendit; quæ vix intelligi
possunt, nunquam dici. Ad Palatinas Curules dictionis
grada-

gradatio: quas nondum adiit, & jam vix serpere potest:
à vestibulo enim, imbelles conatus religiosus occupat
horror, ne dum se intimius, augustum recludat Conclave,
rerum succumbant Majestati. NEORIUS & NOVO-
GIUS TARLONES, nova dicendorum panegyris: ad
quorum Sandomiriensem purpuram pallent Hortensij
rosæ: Arpinates, velut in Tusculano suadæ infantiâ reptant,
felici excusatione nostra, majora hîc latere miraculâ;
quàm immortales licet, sub orbis aspectum dare possunt
calami. Illustrissima hæc Nomina, cum aciem ingenij per-
stringant, nec nostræ laudis mensurâ capi queant; capiat
ea orbis ex comitatu. Successere his trini IOANNES;
quibus propria præiverant merita, ut honorem effecis-
sent comitem. Nihil his ætas nostra comparet, omnis
sub tanto numero, perfectionis plenitudo; ad cuius amus-
sim, æternitas, sua virtutum exempla, quæ in omni gene-
re dare poterit, exasciabit. Eadem illis Nomina inge-
niosa Cælorum dedit industria; quos purpura, virtus, in-
tegrissimus in Patriam amor, zelus pro Fide, veriore
quadam metempsychosi, indistinctos orbi (si tempus ade-
meris) non minus fecit, quàm probavit. Lineas quoq;
sapientis ingenij, à concolore animo ductas; quas beni-
gnior in hac Triade extendit natura, parallelas à parita-
te invenies. Quippe implevit Unus omnes superlationis
gradus; quidni Alter supra eum ascendat? æquè Gra-
tiosissimus, Prudentissimus, Felicissimus. Hinc pertinet
ad magnæ incrementum gloriæ, quodd Cellissima inter
TARLONES æqualitas, cum longè distet ab humanis;
nihil sibi præponderet, nihil non suppar habeat. Utinam
verò tantum assurgat dictio! quantum hi immortalium
operum eminent fastigijs: utinam facunda Tullij arva,
tot germinent flores! quot ADAMUS (Parentem Tuum
dico, PRÆSUL ILLUSTRISIME,) cælesti contermina
Paradiso, virtutum explicat floralia. Adora Nomen à
genu Lechia! Patrem tibi Patriæ proposui. sed pronâ
semper ad omnimodam Ejus reverentiam, orbis etiam
ut

ut se huic inclinet desideras? fieri potest: da mihi Polono-
rum corda! sic dulce aperiā monumentum; in quo
tuus meruit sepeliri amor. Vivit dicere debueram; qui
te toties suo animavit spiritu: ut nunc illo; quem in Te
reliquerat, post fata viveret. Nimirum Magnus Smo-
lensciæ Palatinus, divisit cum Patria vitam; quoties
inter pericula exspirantem vidit, aut hostis animam fer-
rō repetere vellet. Et quidni nunc obstricti gratitudi-
nis jure mutua præstemus? ut, in quo beatiùs viximus,
vivat in nobis. Ita est frustra Principem hunc, inter fe-
lices quæsi veris umbras! quem immortalia animant me-
rita, & orbem ceu Numine quodam implent, omnibus
dando præsentissimum. Infer te (quem magnæ gloriæ
absorbet invidia) purpuratis Procerum ædibus! Magi-
stras agent, quantum Illustrissimo PALATINI personant
Nomine. Disces! quomodo Sacri Penates, nunquam
clariùs domesticis rident splendoribus, nunquam atten-
tiùs suas erigunt aures; quàm dum intimo Principum
& Regum etiam, Optimus hic Lechiæ Senator, colitur
sermone. Enumerant illi, magna Ejus in Rempublicam
merita; hi vivæ vocis æstimant oraculō: unde ipsa fa-
tigârunt sæcula; quorum repetendo memoriam, parem
huic Patria non invenit Civem: imo ut aliquando habeat,
eadem expectabit. Sed decresce jam Panegyrica Aux-
sis! illa tibi decorum præcludit viam celsitudo; in qua
ipsæ hæsitarent Intelligentiæ. Suffecerant ad indefici-
entis gloriæ vigorem, Epaminondæ laureis, svaviores
Plutarchi eloquentiæ fontes: abundè Tiberios, non ob-
stante Nominis silentio, sæculis commendârunt Taciti:
crevit sub laudibus Curtij, Magnitudo Alexandri; non
decessit. Pares encomijs Gratianos, invenere Aufonij;
quibus ea scribendi, quæ his immortalia gerendi, facili-
tas. Nec tot Romanorum Fabij fuere, ut Livius nu-
merare non posset. Dedere sua singulis elogia, maximi
Oratores: haberent tamen omnes, quod in uno Parente
Tuo PRÆSUL ILLUSTRISIME laudare vellent. Tam

E

enim

enim ævo nostro sufficiens erat : ut si de illo æternitas diceret, & huic adhuc dicenda superessent. Iustum de Eo & ipse Tullius optaret silentium ; quem jam Cælestes fasti, aureis notant characteribus, ut humanas ab alto rideat panegyres. Movet se locò, tantum Patriæ Numen venerata, exilis penna : sed in conspectum Poloni Macedonis ALEXANDRI TARŁO, Palatini Lublinensis prodire timet. Orbis huic theatrum non sufficit : quomodo exigua paginæ circumscribi poterit peripheriā ? Nihil hîc artis Timanthæ arêtabit ingenium ; à primo enim vestigio immortalis gloriæ Olympia, ultra omnem promovit columnam. Quocunq; enim processit Heros, semper sub palmari calce, vel lauros melluit ad coronam, vel fatales cupressos, ad funera hostium elicit. Bellicum hic animum, prope cum ubere hausit ; cujus prætextam anteire sago, non vidimus. Velox il lud induit, ne ætatem suam intempesta cunctatione deliberans, serò hostes animâ exueret ; quos ita demum Gentilitia terruit Bipenni : ut prius instructas acies vicisset, quàm vidisset. Satis enim ad horrorem gentium erat, Nomen Alexandri audire : quoties enim Patriæ sacri Tripodem, animi in consilia resolveret domi ; sensit ea foris, excubans in Armis Othomanus, sensit barbarus Scitha ; & cum à nostro Oraculo, palmarem gloriam asserere docti, jam minimè timuimus, timuit ille. Vidit Lublinensis purpura, quantum in TARŁONE resplenduit, ut trabeata lucis Majestate, Patriæ & tantum non orbis terminos excederet. Palatinus etiam honor se ipsum miratus, quòd plura unus habuisset decora, quàm omnibus sperare licuit. Quæsit itaq; in ILLUSTRISSIMA DOMO, parem magnitudine Alexandro ; & cum nondum Diogenis accendisset facem, ipsum Polonæ gloriæ meridiem ; qualem Philosophus ambiebat, STANISLAUM invenit. Personata hæc Intelligentia, parî cum mentibus æthereis animò, immortalia ispirat ; cum quo quidquid comparaveris, humile ac exiguum

guum est: cuius sublimia per vastos rerum anhelitus,
nec sæculorum æquabit æmulatio. Ea huic ab ipsius cu-
nis coæva cellitudo, ut vicina Cælo fastigia; quæ plu-
rimos supereminentes fecere, adhuc magnitudini suæ
suppedanea, gloriari possit. Ita fane: quod alijs cul-
men est & meritum tholus; illi nondum ipsa etiam
erræ excessit humilia, non decem pedâ ambitionis. Id
tamen virtutis. Sæculorum in se compendiavit e-
xempla, & congesta tenuit omnia; quæ singula optimos
Patriæ commendârunt Cives. Nisi hunc ætati nostræ
maxima Superum servasset indulgentia; Roma, pientis-
simum Numam; Atheniense Aræopagum, Æquissimum
Aristidem; Græcia, Principem Oratorum habuisset De-
mosthenem. Thaumaturga hæc ingentis animi capaci-
tas, tot singularia comprehendit, & Aristotelicam addi-
dit fidem, pereuntibus illis, adhuc virtutum non tolli uni-
versale. quod Ille Polono orbi, dari a parte rei, eviden-
tî in se probavit argumentô, non ad Philosophantium
prodigia, sed universi. Adeo beatam, tanti Senatoris ani-
mam, quæ dubios posteris præ surgentis gloriæ excessu
dabit annales, nunc tandem mirari desino: dum ADA-
MUS TARLO eadem sublimatus Curuli, altius famam
suam pulcherrimè extulit, quàm ex toto videri queat.
A culmine inquam rectefactorum, nubem quæfivit
modestiam, parâ sublimium ingeniô: quæ ubi in monti-
um supercilio steterint, aut pupillas intuentium exce-
dunt, aut fallunt, dum minora apparent. Nemo, hæte-
nus meritum radijs serenus, noctem Atticam dormi-
vit; nemo Magnus audijt, sine ambitu laudis; sublimis,
nisi elatus nemo; nemo affines superis virtutum con-
scendit vertices, ut oculos, vultus, oraq; populi effugeret:
sed ante hunc Purpuratum Patriæ Senatorem, nemo.
Nimirum reticeri voluit, quæ fecit: fecit tamen ea;
quæ sæcula non tacebunt: ni forte erudiendis Civibus
injuriam desiderent. Quippe nihil Hic egit, quod non
omnes, dulcî ad illustria accendat stimulo: etiam à qui-

bus virtus amantes boni scintillas, non facilius excutit, quam durior à filice chalybs. Testor illa publica privataque consilia; in quibus leviter discordes, toties Civium composuit mentes, & tenaces illas dissensionis animas; non quòd meliora vellent, sed quia vetare possent, aurea oris devinxit catenâ: ut facilius sibi malè impedita placerent, quam prius displicuere. Accipiebantur pronis auribus, quæ Patriæ suaderet, indubia melioris fortunæ præsumptione; quidquid Ille, tanquam ab oraculo prædiceret. Et certe sperari felicia poterant; quæ tam Polonæ gloriæ eventu, quam hostium cladibus, feliciora reddebantur. O sæculi nostri Decus! posteritatis invidia! o dignam Supêrum pulvinaribus Animam! quæ pro communi Libertatis bono, tam diu fatigari non potuit, quam diu vita. Expalluit cum hac Lublinensis Purpura, & eousque gravius gemit, quòd suam & Lechiæ amiserit gemmam: donec in ILLUSTRISSIMO IOANNE, majora invenisset solatia. Etenim respirasse jam TARLONES, sua olim decora, illo spirante credidit; qui ad tanta Patriæ, resarcienda damna, Supêrum favore datus. Nempe vastus Ejus & ingentium capax genius, ita magnarum mentium complectitur animos: ut antèrius illud ævum, quasi in tersissima Crystallo, omnium imagines reddente, speculeris. Curios, Agamemnonas & Priamos grandi non appendit atrio, ne longo eorum congestu, per exporrecta sanguinis decora, exploratores mundi fatiget oculos: cum cuncta unus comprehendat, & omnia in se repræsentet, puncto illicia intuentium, exfatians absolvensq; Purpuram; quam induit, ne in Senatu Trabeatæ DOMUS invenisse dixeris! sibi fecit; in qua nihil Phrygia acus, Tyrus aut Arabs laboravit, sed virtutis Sanguineus sudor, à cuius tantum, colore rubet. Regias inter dapes, magnus olim Subdapifer, non alios Patriæ quærebat gustus, nisi virtutum, optima gloriæ alimenta porrecturus. Noverat enim, potiora hæc Vitelliano apparatu & Cleopatæ poculo, Conuivas

uivas suos , ita ad Nominis immensitatem saginare : ut quos orbis circumplecti non possit, vix sphaera æternitatis sufficiat. Audivit eum Patria , Regum mensis assidentem , quomodo in facie Majestatis diceret reverenter, audacter tamen ; ubi de virtute , necessitate Reipublicæ & conservatione legum ageretur. Æstimavit tam integerrimam Viri fidem, & ut pro Tribunali talis sederet Iudex, invitavit. Qualiter eò loci, Astrea Scipionem Marechalculus præferat? petulans illud examina pecus! cujus dissoluta licentia, graviolem sensit ; quàm greges Admeti, vimineum Apollinis ramum. Sed virgam potius Promethei in Sacris Ejus affirmasses manibus ; quæ dum insolentes admonet correctionis animas ; simul ad modestiam accendit, tam subito, quàm facile in convictos desæviat. Sic enim promptus in sceleris pœnas : ut omnes velit esse ad virtutem. Unde fit , quod prius improbitas decretari se videt , antequam Ille byssos & purpuram ; sub qua latuit, respiciat. Nullus enim in Eo generis & dignitatis favor ; ni ipsa faveat æquitas. Quid igitur incorruptæ superest Iustitiæ? nisi ut reddat, quod tantæ virtutis est: quam ultra , filet impar calamus ; ne, cùm plura velit, quàm possit ; magnitudini fiat injurius. Tantùm jam per Palatina subsellia mea processit dictio, & nondum in termino sedit: curre dum adhuc per purpurea Senatorum olympia ; Castellana inquam stant ordine longo revisendæ Curules. Implet orbem famâ, Vox Patriæ Aurea, JOANNES TARLO Castellanus Radomienfis, & verba de se dicentium intercipit , proprio nonnisi ore ad sufficientem gloriam celebrandus; quò olim toties pro Majestate, in legationibus usus , ut Cyneas pro Pyrrho in Senatu. Edecumatus ingenio & prudentiâ Vir, tantùm sibi, de assistrice Sedium æternarum Sapiencia communicavit ; quantum ipse Patriæ, proclamatis Regni negotijs, consilij dedit. Prodigium sanè erat, rebus in extremis Unius succurrendi felicitas, vel inde maximum ; quod ingens revolutio tem-

porum, nihil tam grave tulit, quod ille Herculeis sustinere lacertis; nil tam difficile, quod ingenti activitate, resolvere non posset. Magna hæc; quæ dixi Virtutis & Senatus Pretia: sed nihil CAROLO carius, quæ si non æquat; certè præponderat. Vislicia Eum Senatorio contempnitur murice, & Oriens fimbriam, imò orbis totus adoravit: dum victrix ab ASCIA manus emedullatos Bellonæ spiritus, & Phænices Heroum, Divino planè robore triumphavit. Etenim, quoties irrequieto Regni procellosi æstu, expeditam ad summa omnia resolvit mentem; ivit in sævissimum hostem supereminente animo, pro Aris & Focis Sarmata Decius, ad cruentam quoq; victimam Patriæ Securitati devotus. Confusus ille, idem & Mars, orbi nostro præfuit: si pax redierat; expendebat rationes, quibûs augetur: si bellum; toto in hostes exarsit Vesuvio. Callentissimum Bellatricis Animæ pectus, quot triumphales Patriæ elicuit ignes: tot pietas Numini in SIGISMUNDO Castellano Betzenfi, ardentiores suscitavit flammæ. Habet orbis sub tanto Nomine, omnium prothotypon virtutum: sed in quo, verus Supèrum Amor, primam duxit lineam artemq; Apellis excessit: dum inter purpuratos Procerum Ordines, jam planè ex superioribus Spiritum, Veriorem vidimus Intelligentiam. Cælò delapsam affirmasses! ni illud Liberalissimus Fundator in terris fecisset, tantum Cosdroæ artificiò beatius; quòd non sibi sed Numini: tantum nativa luminum Majestate splendidius, quòd seraphicis accenderit ignibûs. Basilicam inquam, Zaklicinensis Ecclesiæ erexit Ædem, & primam Franciscanæ Reformationi in Regno posuit, ipse sæculorum & Polonæ pietatis forma, dicendus. Seraphicas inter flammæ liberale examinavit aurum, & ipse etiam in cultum Numinis diffluere voluit: postquam omnia; ut cultiores Aras redderet, sanctè dissipavit. Et quid jam quæso hujus gloriæ immortalitati defuit? quam de jure æquitatis mereri, jurant in Crucem compositæ Francisci manus, ne ob stuporem difficilium quæ
Ipse

Ipse egerit, suspectam annalium fidem, invida nobis (ut solet) posteritas habeat. Perennabit tua o Princeps! fama, quam in Pantheo Deorum locasti, imò, cum facilius credent sæcula, unum ex illis simulacrum, eâ servabunt reverentiâ; quâ Tu Numina coluisti. Accedit tantis Senatûs splendoribus, ALEXANDER TARLO Palatinus Zawichostensis: & dum lumine cumulationi accendit, usq; ad meridiem auget. Virtutes Nomini conferre poteris! illo tamen homeosis modo; quo ex invicem collatis, majus ostendit. Excessere enim Ejus magnitudinem, sed eâ metiri non recusant; ut pateat, quàm alta & sublimia superent. Non invidemus Pyrrho suas in annulo Musas, sculptæ erant: vivas in ALEXANDRO habuimus; cujus menti infederant, & orbi Sapientiæ oracula locutæ. Vidimus eum Divino quodam afflari Spiritu; qui agitandis magnarum rerum momentis serio intentus, ea Patriæ felicitate profuit; quæ esset supra creditam olim fatorum potentiam, referenda. Vidimus toties, inter purpuratos sedentem Patres; quibus dum unus accederet, ita augebat Senatum, ut gemma annulum, aut suum Planeta epiciclum. Totissimus in bonum publicum, non tantum de privato cogitavit, quantum pro illo fecit: cujus ætatem si ad mensuram meritorum vocemus, fidem in eis evincet, Platonica Annorum revolutio. Et hæc sunt; quæ deduximus, prima Senatoriæ DOMUS TUÆ PRÆSUL ILLUSTRISSE Decora! immo si deduxisse, laudator calamus gloriari potest: horum enim sæcunda ab ortu primævo omnis ætas, quot Cælo inscripta Nomina maculosis temporum abolevit rugis! quibus præsens, jam sacrata potuit adolere thura. Non hic adhuc plenus TARLONUM PURPURATORUM Numerus; quem nostra nescit pagella, Cælestes sæcula doceant fasti. Habent illi, quot Trabeatæ Domus Proceres, etiam ante Agamemnona vivere: at nostra panegyris nunquam tanto sufficiet syllabo. Ad minora Regni descendit Subsellia, sed in

ea auxesi; qua Regnatricis Aquilæ pennis, in immen-
sum evecta, omnem gloriæ supervolat celsitudinem.
Huc illa suos calamos! Magni olim, Cancellarij NICO-
LAI TARLO, cum aureo Nomine meritorum pretia
notatura. Leget hæc fama posteris, & perennius æter-
nanti exarabit Cedrô: sed ad eum dolorem animi; quô
Julius suspecta Alexandri imagine, cum majora & se
ipso & orbe viderit; ut nec invidiâ capi possent, inge-
muit. Palescet tristi ventura ætas livore, sanctè ta-
men; virtutem enim retroactis temporibus, quodd in hæc
non incurrerit, ut eam adorasset; non virtuti invidet.
Consignant CAROLUM æternitati, Regni hujus sigilla,
& felices Cancellarij umbras sub Aquila pingunt, ut sæ-
cula doceant; illam etiam expedita, omnibus Patriæ
commodis succurrendi fidelitate prævolasse. Quanta
enim animi Ejus sapientia! quæ secreta fatorum intelli-
gere visa, quoties bono Reipublicæ consulere; facilius
semper optima præstando; quàm nos ea velle, aut co-
gitare potuimus. Nempe tenuit aurea manu, accensas
Regni Ceras, Vigilantior Argô, hæc Polonarum mentium
pupilla, & prius adversa fortunæ vidit molimina, ante-
quam illa Patria sentiret: immo ne sentiret, sapius præ-
munivit, semper effecit. Et hic jam cautiùs triste pro-
cede elogium! cor PRÆSULIS offendes; immo recentes
adhuc totius Poloniæ lachrymas ex annuo dolore irrita-
bis. Ediffere tamen singultientibus verbis, Præfectum
Culinæ Regni STANISLAUM, nihil mærori addes; pe-
rennis enim est, qualem iniqua nobis fecere fata. No-
men cum dico, Vos Superi testor! quanta jam excessi
decora, cum imaginativam de se dicentium antevertunt,
memoriam effugiunt; more ingentibus solito, quæ si si-
mul comprehendi nequeunt, brevius se communicant,
ut omnia explicant; blanda Oratorum accusatione, ma-
jora ibi inusitata virtutis latere prodigia; quàm etiam
capacissima mente intelligi possint. Ast prima Panegyris
esto! hæc namq; celsissimis suppar, Magnum olim Præ-
fectum

fectum Fratrem PRÆSULIS ILLUSTRISSIMI dicere,
& jam satis ad eminentiam Nemini, satis ad gloriam
virtutis. Consultissima enim Natura est; gemmas au-
ro, pulchro connectit fadere, ut se æquale horum pro-
dat pretium, & crescat ab utroq; magna utriusq; æ-
stimatio. Experiri magnificentiam vis animi Ejus ean-
dem in PRÆSULE habes; & quæ hic usque ad victo-
riam eminet, in illo spectatissimos etiam Civium trium-
phavit. Implevit insolita Majestate oris, Nobilitatis Con-
ventus, & adhuc pace Liberæ Gentis, profundius Divi-
nam Ejus indolem cogitante, de aliorum consilijs senten-
tiam dabat; magis, quam oraculorum apodixim æsti-
mari solitam. Amabant inquam Quirites illum: sibi di-
cere; qui jam Senatum docere visus, cum se Viri gra-
vissimi sapientia, usque ad purpuram proderet: unde
rubuit hæc toties à suo, & communi desideriorum æstu;
cùm ejus, jam tot publicis negotijs, probatissimæ Virtuti,
destinari ceperat. Festinarunt pro Ea vota nostra; quæ
innata tantum tenuit modestia; donec Cælum, huic non
parere, ut genus obsequij doceret; suam pro Trabeis
porrexerit Coronam. Dedere hanc Superi, sed in ea
oculorum tempestate, qualem solent desuper pluere, dum
solem coronant. Credo tunc Lechiam tantæ dolorum
vehementiæ succubuisse; nisi par Nobile Fratrum, viva
STANISLAI simulacra; suis etiam in mæroribus, majori
fuissent solatio. Nempe tenuit labentem IOANNES,
mira gratiarum suavitate; MICHAEL Angelica fortitudine;
quorum Achilleo animo, nec impari virtute, jam secu-
rius, etiam ex toto sustentari posset. Duo hæc Patriæ
columina, Heroum ingentes animæ, cultissimarum men-
tium pupillæ: in quibus plurimum virtus & natura
laboravit; ut in utroque perfectionis gradum attinge-
ret. Quidquid Princeps intra sacra horum abdita desti-
naverit Animus, omnia ad elegantiam sæculi exhibet;
eruditionem Patriæ, & admirationem sui affundendo.
Viluit olim Romanis Pompeij vultus; aureum formasse

debuerat: & cū sui æstimationem mereri non poterat, ab appposito gemmarum pretio quæsivit: hacque foris acquisitione luminum; quas intus tenebras admiserit, serenavit. Procul à Vobis, Gemina Poli Sarmatici & Purpuratæ Domus fidera! hæc gemmata virtutis correctio, nihil illa pretiosum ducit, quod aliunde venit, jam ex se pretiosissima; imò renuit tali perfici artificiò, satis ab opærosa Indole perfectissima. Et quid jam candori Vestro accedere poterit? qui integer ex ebore mentis, nihil concessit Alcibiadi: quid superest Augustæ Fronti? tota Palladis & Martis Majestas; quam ita suavior gestus temperat Charis: ut, cū omnia quæ supra admirationem attollunt, jam attigerit decora, benevolentiam in omnes, & comitatem non excedat. Iple coronatus Vester gratiæ sinus, cortina Delphis omnibus sacratior: quoties Patriæ dabit responsa, gloriæ & fortunæ ejus respondebit. Majora hæc in Vobis cuncta, quam honoribus & purpuris comprehendi possint: venient tamen agmine facto, & singulas virtutes, singulæ coronabunt; frequenti numero, incapacitatem suam pensaturæ. Diceret ampliora Nominis Vestri elogia Orator, sed tantæ serenitatem gloriæ præbantis, ea luminum effusio perstringit oculos, quæ curiosam à sole arcet pupillam. Poterunt jam Regni Aquilæ, Vestris in splendoribus suum explorare visum, & melius quam ad Phæbum educari; ex quo facilius ab his ad illustria meditamenta, & immortales ausus incallescere. Intendant illæ frontis suæ aciem, dispiciantq; plenius: me à tanta Majestate, quam collectæ undiq; gloriæ immensitas auget, propriæ exilitatis remittit conjectatio. Quantum verò accedit gratiarum paginæ à JOANNE! quot indistincta à Magnis TARLONIBUS gloriæ incisa, longas implent periodos, sub tanto Regni Incisore. Inter Erythræas Patriæ gemmās, Unio hic sine pari, bene Polono Diademati suum expēdit pretium: & nunquam à primis SIGISMUNDI favoribus divisionem passus. Regum hic partitus mensam, qui affectus colle-

collegerat : instructas Patriæ scidit dapes, quem nec vi-
 tæ dispendium, à commodis ejus rescindere poterat. Hoc
 in IOANNE, hoc in NICOLAO M. D. L. Pincerna, di-
 gnum laude æternitatis notamus. Felicius Iovis Gaiu-
 mede, pretiosa Antonij antevertit pocula : Regnum ille
 bibit Magnus Ægypti heluo : hic Regno ; tota, in publi-
 ca ejus negotia effusione sui, optimam salutem propina-
 vit. Propinavit in sanguine hostium, quos ut Patria & vi-
 ta fugaret, armatas ære proprio, aluit cohortes. Retu-
 lisse jam Eum, in illo purpurato Patrum Senatu ; ta-
 lem enim merita destinabant, sed perpetua moderatio,
 solo Ministri contenta titulo, maximum honoris elegit
 gradum, Patriæ servire. O Viri modestia ! ô admiratio !
 nolle fastigia, & mereri : provocare purpuras, & non
 admittere : ac si primum jam esset virtutum præmium,
 non præmiari. Tantæ rerum intentam sublimitati, dum
 teneo mentem, altius se tollit ; ut spatium capiens, pro-
 fundius Cælestæ GABRIELIS Nomen, & Angelicas adoret
 virtutes. Magnus ille Dapifer, condire Regias Bonæ
 Sforcie dapes, optimè scivit ; cujus vitæ innocentia, nihil
 crudum ; colloquia ad modestiam composita, inter illas
 distortas aulicorum voces, nihil gravi non decoctum ani-
 mo ; admiserant. Emedullata hæc Virtutum portio,
 omnem in se collegerat dulcedinem ; movitq ; totius
 Aulæ palatum, ut placeret ; cui sæpe suavius arridet mo-
 rum abominatio, & sola pietas ad nauseam. Impleri
 jam ; vel ex ipso Dapifero poterat tunc Lechia, in quo sæ-
 cula nullam gloriæ sentient famem ; quibus optimos æmuli-
 tæ virtutis exciravit gustus. Nempe inveniet, quod ex
 eo omnis prælibet ætas ; & hoc sibi ad immortalis satie-
 tatem famæ sufficiet. Divident enim inter se sæcula,
 quod unus egerat ; & adhuc rectefactorum amplitudi-
 nem non æquabunt : cujus singula vitæ actio, distinctam
 implet æternitatem. Si jam hic nostra subsisteret Pane-
 gyris, & vel in GABRIELE tantum Semideorum clau-
 deret agmen, facile orbis de Excellentia TARLONUM

conjectare posset; cū in Cælestes virtutum Duces, cel-
fissimam desinere Domum; observaret. Augent tamen
adhuc, ut numerum; ita gloriæ Majestatem, magna Ca-
pitaneorum Nomina, & ampla merita; quæ angustis
claudi repagulis non possunt: omnem mediocritatem de-
dignantur. Supra nostrum elogium, tot decora; quo-
rum etiam confertissima multitudo, grande ejus tormen-
tum, thases; in theses commutat: quidquam ne orbis vi-
dit magnificentius? Goszczynensem primo Capitaneat-
um evolvo; eò enim illustrior aliis, quò plures tenuit
TARLONES: nec tantum placere non potest, quem illi
commendarunt. Surrexit altior purpuris in CASIMI-
RO; coram quo supplici cecidere casu, ut ita venien-
tes admitteret: accrevit sublimior in accrescenti IOSE-
PHO, quantumq; sibi ab eo accesserit; explicat in AADA
MO magna magni Parentis (adjiciam) & ipsius virtutis
prole. Quippe tantum cum hac communicavit, ut totam
exhauriret naturam: quo se movet, quid agit, quæ dicit,
virtus est: ex quo genuinum ejus partum ut credimus,
affirmabis. O felicem tanto Julo Æneam! in quo ma-
turuerunt spes Patriæ ante ætatem; quam cana morum
gravitas, prudens rebus in agendis solertia, non expecta-
vit; & cum nondum per annos posset, fecit grandævam.
Metimur ex fidere vultus Tui, Paternæ gloriæ meridiem;
cujus radios dum in Te reflectis, auges; ut jam æterni-
tati sufficiant illustrandæ. Capacitas animi, magnitudo
Patris est; totam in Te reposuit, ne iniqua nobis tanti
Viri fata, fortunam Patriæ minuerent. Expectat illa ab
Honorio, quæ Pater Theodosius postquam ingentia ex-
cesserit, maxima provocavit: & sperari ea possunt, quia à
Te. Coronabit capacissima Tua Indoles, tot Patriæ vo-
ta, sed illam purpuræ; quæ Te sibi etiam invidebunt; cum
illæ Paternis, illæ tuis destinatæ meritis convenient. His
ego Te relinquo: facient enim in magnæ virtutis elo-
gium atram Oratorum purpurascere sepia, & dum se
affundent, copiosior continget Panegyris. Erigit Do-
mus

mus Vestrae incrementa gloriae, Stator Polonae STANIS-
LAUS, Sochaczoviensis Capitaneus; in quo praeterlapsis
ad invidiam aetatibus, venturis ad prodigia surreximus;
hosti ad terrorem, fortunae ad securitatem. Obstitit ille
lacertosus Anthæi robustior viribus, & orbem Patrium
vetuit labi, quoties timuimus conjurata in nos ruere fa-
ta; ne cuncta in praecipitum ipsius vehementiae impetu non
urgerent tantum, sed detruderent. Erat; quod procel-
loso Regni motu cordatissimi etiam trepidarunt heroum;
dum ingentes Martis Animae, sub infausta temporum
mole detumescere in Molones; & desperatis Patriae rebus,
nulla Iunone Athamantes, prius suis inhiabant vulneri-
bus, quam illa acceperint. Fuimus tunc deserta planè in
Urbe, cum nullus propugnandae securitati occurreret: oc-
currit STANISLAUS, & inter quae discrimina, fortissi-
mi etiam deposuere animum; ipse majorem sumebat,
quò altior periculis emeretur. Quippe illa excelsam
mentem occupaverat cogitatio, quod mallet potius, ma-
lis publicis immori, quam fatiscenti in arduis Patriae non
subvenire. Gloriari per saecula tanto Cive poterit Le-
chia, cui SIGISMUNDUM Pilznensem Capitaneum si
adjunxerit, magnis grandia componet; & Par sine pari
ad selectissima virtutum porriget exempla. Regias à
Nomine tanti Viri collige dotes: nihil enim non illo di-
gnum, quia summa omnia egit, supra quae nemo ascendit
altiùs; nisi qui super Astra. Et hoc est, quod inter mino-
ra Regni subsellia non Palatinas miscere Curules, non ho-
norum summitatem quaesivit, maximam nactus ex se ipso.
Triumphalia ILLUSTRISSIMAE DOMUS arma, aciem
sibi indicere ratus; totus ad Bellonam transijt: ita tamen;
ut nec Palladem à se excluderet. Militare illi viaticum,
idem quod Macedonico Principi, permistos gladijs libros,
continuâ manu tractavit, Ipse maximis voluminibus tra-
ctandus, suavissima integrorum historia. Saeculorum e-
ruditionem collegit, imò quidquid omnis aevi elegantiae
vidit, altissima mente complexus: sapuitque ex Tripode;

H

nam

nam oracula dixit. Stupor est praesentium temporum,
tanta sapientis animi immensitas; CAROLI tamen, ca-
pacitatem non excedit: hanc enim dum explicat, illam
ex toto comprehendit. Magnus nempe Stezycensis Ca-
pitaneus, castella tueri professus; bene Cecropias com-
munivit Arces: nam forti & erudito pectore; cui Mu-
sas & Palladem inclusit, ut delicatum fieret domicilium.
Quid illa naturae beneficiò collata venustas? quae adhuc
in suo Juventutis vere, florem elegantiarum spirat; &
quo Orbem odore implet, dulces Principum affectit amo-
res. Nimirum grande affectuum illicium est, eruditos
Ejus congressus petere, cum plena annalium memoria, di-
etorum gravitate, exactas implet & compendiat horas;
quod plurimum attonitae audientium mentes jucunden-
tur. Triumphat matura cras suavitate, tot Civium cor-
da; mox consiliò, & eloquiò, Magnus Senatui Tullius.
Quodsi his Magnorum Capitaneorum dotibus, dulce est
immorari, quanto verò dulcius, FRANCISCUM Vielun-
ensem & Pilznensem dicere, qui heroicarum virtutum
epitome, & succosa dulcoris voluptas, totam omnium
depingit Majestatem. Pulcherrimam in Eo, extra Poeta-
rum figuras, Oratoris penna invenit Syneresim; quae in
pluribus compositas laudum Syllabas, ita in unum coar-
ctat, ut simul proferri debeant; quas ante distribuimus.
Lege singulorum elogium, & hujus esse reputa: excelsas
omnium comprehendit dotes: quidni & panegyrim. Pro-
cul hinc ab humanis excessit elevatior virtus, in qualibet
specie perfectissima, tantum pietas eminet, ut ara Divo-
rum; tantum Amor Patriae, ut Regum Majestas; tantum
eruditae mentis indoles, ut splendor sanguinis; augeri ultra
non expostulet. Fortitudo animi suum fortunae ademit
nomen; nihil enim caecum hoc Deastrum in eam potest:
si latiori cachinnatur vultu, reciprocis non arridet illi-
cijs; si sudum frontis in nubes, & fulmina contrahit, ter-
reri non potest. Ita inter prospera demissius agit, ne se
efferri sentiat; ita inter adversa assurgit, ut gravibus non
suc-

succumbat. Maximus sane Sarmatiae heros, aded augustam, & tenacem sui induit mentem, ac si in adamantem obriguisset; ex quo talem se Genti bellicosissimae reddit, qualem jactabundae opponens Macedoniae, exorandis Senatibus purpuris, non fimbriam, sed sua ferat phylacteria. Fatisceret jam sub tanta Nominum celsitudine, humi reptans facundia, ni se ultra provocari videat; majoresque tenuitati persuadeant ausus, inquietae per auras castrorum Aquilae; quas quoties triumphalibus IOANNES signis, & ADAMUS victoriosa explicarunt manu, extra praesentis credita superstitioni auguria, manifesta jam eorum magnitudini, jam nostrae felicitatis legimus indicia. Praeivere hi Polono Marti Sandomiriae Vexilliferi; & assultantibus per aerem Aquilis, medios inter militarium machinarum fragores, plausuum letitiam, & trophaeorum gaudia, nuntiabant. Ibant toties Lechica horum in comitatu castra, & comitem habuere fortunam; non aliam hosti praedam, nisi dedecus, & fata relinquendo etiam, cum in aciem prodire, virtute non numero pugnatura. Secundos nimium Reginae Alitis vidimus velatus, attollente elevatius Leopoldis labarum, uno & secundo IOANNE, cum quibus transivimus illuc gloriosi, quod nondum ante Polonorum fama attigerat. Primos illi ad palmas, egerunt Praecursores; & praevolare hostis non poterat, quamvis enim exercito alibi sedit passu, horum in agonijs, adhuc non pede moto cespitavit. Ivit tamen aliquando velocior, sed infugam; ne dum vita spoliari ceperat, omnem cum hac amisisset ornatum, illam adornavit. Porro tantum supra erectas hostium cervices, postquam superbam, humo allifere frontem, magnus heroum ascendit animus, quantum prius supra ipsa pericula, & mortem etiam, qui nunquam se diutius victuros aestimarunt, quam si pro Patria occumberent. Sic inter fortes funerum contemptus, per cruenta hostium cadavera, vitam quaesivit Patriae, NICOLAUS TARLO, Vexillifer Praemisliensis; cujus ingentem vidimus bellandi ardorem,

majoribus æstuasse flammis, quam illud Scævola patiens
supra focum incendium. Exarsit hoc igne callentissi-
mum Herois pectus, ardens cum Æmilio Civem servare,
ferire hostem, & Victrice Domus ASCIA, continuum
cruoris effudit rubiconem; ne aliquando otiosam, mor-
tifera fedarit rubigo. Possent hinc gentium & orbis Do-
mitores, militare adhuc sub signis ejus tyrocinium optas-
se, sive gregarijs militum commisceri turmis; quod nihil
potius priorum titulorum elegissent. Haberet enim Alexan-
der, invenirent Fabij, viderent Decij, quod in tanto Duce
discerent, mirarentur, imitarentur. Imitari certè volet
posteritas, sed nec extremam eminentissimæ Virtutis
tanget simbriam; nulla enim laborum capacitas est, quam
non sit supergressa. O Herodes! o Numina! tantum de
vobis scribimus, & nihil adhuc: fatigamus sæcula, vel sola
nomina excerpendo; & vos ipsam æternitatem tenetis,
ut pari ejus comprehensione sufficiat nemo, computan-
dis. Grandem jam TARLONUM produximus nume-
rum, & longior adhuc superest. Acuit suadæ stylum
nativo, & tutelari ferro, Iudex terræ Leopoliensis PAU-
LUS; & facilius quam ab aurea Hersoneso ingens effo-
ditur metallum. Nimirum sola hic de eo pretia affert
Orator; nihil enim non tale egit: gemmas & aurum
accumulata præponderant merita; nec parem virtus æ-
stimationem invenit, quam grandior ipsa non excedat.
Appendit hanc ad bilancem æquitas, ut semel pro Iudi-
ce, qui semper pro ea fecit; & cum pondus illud una po-
fuerit parte, Cælo porrexit alteram; nunquam aliter ni-
si à cimmelijs ejus implendam. Congessit in eam toties
sua orbis munera, & inflecti non poterat; ea enim deti-
nabatur gravitate, ne onus sentiret Iustitia. Intemeratè
illa hoc Iudice servata, grandes honorum contemptus,
& magnæ virtutis injuriam, in HIERONIMO & AN-
DREA TARLONE, sic per sæcula instigantibus meritis,
decretabit. Minimè palliata probitas, omnibus ornatior
purpuris habeatur, auratis celsius promineant Curulibus,
hono-

honorarios supra ascendant fasces; quibus ijs fulciri perpetua negavit modestia. Nempe despectatores honorum, visendis ab alto fastigijs majores cense, & mentem illam in imum demissam, supra omne supercilium tollere; unū in tam humiles excessus habemus supplicium. Quamvis maximos hos Heroum, absque Murice processisse, palam orbi dicere, ipsæ hostiles Getarum indignantur animæ: suum enim ad guttam profudere sanguinem; ut purpurascerent. Trabeam hanc, à grandi cruoris profluvio, parta sudore ornarunt conchylia, quæ HIERONIMUS plenis Podoliæ involvit fascijs, quoties ad propugnandam, Sarmaticos Martis tenuit fasces. Terreri illa nullo armorum poterat strepitu, & tot petita jaculis perfigi nunquam, cum pectus illud, quod pro ipsa staret, marmoribus riguit; devotō olim caucasō infractum. Et certè exspirasset toties inter pericula, ni forti ejus vixisset spiritu; cui promptioribus succurrit victorijs, quàm Cincinnatus Minutio; validius defendit, quàm Cottam Chalcedone obsessum Lucullus. Quanti verò voluminis esset, plures Bellonæ recensere Alumnos; qui satis illustres ab armorum nitore, affulgentes honorum sprevere radios; ne cumulado lumine, pupillam lædant, perstringendo. Ludentes innocenter Paternis adhuc in Ædibus lulos, vetigalī prosequi calamō, ingens labor, parcit illis exigua Panegyris: nobiles enim perennaturi marmoris animabunt cælaturas. Porro multorum Nominibus, & gloriōse gestis impar scribendo elogium, connexa ILLUSTRISSIMÆ DOMUS decora, quæ purpurea colligatione, Sanguinis sociavit affinitas, momentum splendoris ingens, sub obscuro colligit atramenti. At quæ hic ejus effusio OPALINIAM Maternæ DOMUS proferet cymbam, æquoream profunditatem esse necessum, quam moles illa, à suo gloriæ subintret continente. Onusta hæc navis, non unius Cæsaris vehit fortunam: Regum Coronæ, Ducales Mitræ, Tyaræ, Fasces, Clypei, & Purpuræ, paludamenta, nativa ejus mercimoniorum pretia. Imo non
est

non est pretium, quod illa non tulit, vel non faceret ferendo; inæstimabile. Produximus PRÆSUL Optime! DOMUS TUÆ Senatum, & alterum jam habes: splendoribus suis, quos Maternæ accendunt ceræ, magnificentissimum. Quippe ILLUSTRISSIMORUM de Bnin COMITUM, claritudo Generis, usque ad trabeas Regum, crevit altior Tiaris; Palatinas ornavit Curules; Castellanorum infedit folia; (prodigium eminentiæ!) omnia dignitatum implevit officia. Nihil de ijs cogitari potest, quod non à gemmis purpuræ pretiosum: quod non ostrò senatoriò indultum: quod non serenitate gloriæ illustre, æmulos Cælo accendat splendores: nunquam familiari cuiusvis supercilio, sed mentibus solis visendos. Afferret singulatim calamus, magna Procerum Nomina; & esset satis ad eminentiam: sed selecta tantorum frequentia, numerari non potest, æstimari debet. Sufficit o PRÆSUL! sic Te natum ex utriusque Parentis DOMO innuisse, quarum altera nihil majus, altera, nihil speciosius Polonia habet. Sua hæc intra sacros Penates Tuos, omnium Familiarum conclusit decora; quæ orbi in aspectum producere, longa ingeniorum fatigatio. Atlantes poscit; tangere enim ea si accedimus, totum movetur Regnum. Succumbere tamen, quamvis gravet illustre pondus non timemus; Regio SOBIESCII fulciunt Sceptro. Nempe suum ASCLE colligavere Umbonem, ut consanguineus Throno Serenissimi IOANNIS III. nexus, palam faceret; nec unò à Regibus soliò TARŁONES distare. Pone hinc WISNIOWIECCIOS, LUBOMIRIOS, CZARTORISCIOS, Sacri R. I. Principes: inde RADZIVILIOS, SANGUSZKOVIOS, ZBARAZIOS, OSTROGIOS Duces, & orbem Christianum circumspice, si quid in eo augustum, quod huc non intret: si quid excelsum, aut summum, quod Celsissimi TARŁONUM Sanguinis non tangat communio. Quantula hæc Nativæ Majestatis portio! & jam omnes Serenitatum supergressa titulos: fastigiorum transcendit tholos, splendores ipsos ignium

ignium prodigia fecit: quales nec Ætna, aut Lypara, ruptis à pectore cautibus, eructat flammæ. Lumina tanta DOMUS cerni cum Sole nequeunt: quid pupilla? cum affines Astrorum huc ibunt concursus. Veniunt, magno Numero, TENCZYNII, OSSOLINII, KORYCINSCHII, SENIAWII, SZEMBECHII, GODZCHII, POTOCCII, CETNERI, LESZCZYNSCHII, SAPIEHÆ WIELOPOLSCHII, LANCKORONSCII, LIGEZÆ, CHOMETOWSCHII, PRZEBENDOWSCHII, & orbem Lechicum in comitatum trahunt. O Genus affine Cælo! o DOMUM Cælo majorem! cui tot orbis Europei serenitates innotant, & adhuc ignota oneri sustinet omnes; quæ singulæ Solis etiam Regias fatigassent. Vide o Magne PRÆSUL! quàm latè Tuæ propaginis arbor, collaterales porrigit ramos, ut sub umbris ejus, tota recumbens Polonia, dulci nimium jucundetur topiô. Quid nobis? quod tot anni injuriaverit partes, perpetuus Phæacum autumnus: aut auriferas Hesperidum tempe ostendent vites: nihil inde; quod Orbis rapuere pupillas, pensiles Assyriorum horti. habet Lechia quod jactabundæ gentium fertilitati opponat: una DOMUS TUÆ Arbore, ipsa voluptatum Paradisi, excedit affinia. Altissima hæc, Cælo palmarem immittit verticem; nunquam exporrectæ quantumvis ingeniorum celsitudini, herbam ex se porrectura. Depingi non potest, tot volumina implet; quot folia computat: quibus semideorum inscripta Nomina, cogitationes Oratorum excedunt, ac in Te clauduntur: capacissimam hinc nullô etiam Homerô, nacta Iliadem. Non ergo ultra o PRÆSUL! Majorum accendimus ceras; quarum tu coruscans probitate scintilla, & grande honorum & meritorum incendium. Relucet in Te, quod in illis singulatim refulsit: & cum omne illud comprehenderis illustre, Tuus adhuc splendoribus auges; ut stupor ante, & excessus gloriæ, miracula fiant. Tua divinæ prope Indoli, debet se Natalium Majestas, grandi virtutum, & meritorum accessione cumulatio; non Tu

Natalibus aliquid; tot ampla Domus Decora, nisi Tua facta sint, nulla existimans. Nimirum ex inauratis Lucinae cunis, Purpuratum prodire, segnibus tantum animis, otiosum ad perpetuam noctem pulvinar; quam vivae mortis imagines securè indormiunt, cum satis se vixisse adhuc in suis Tritavis, longissimè respexerint. Magnaejushmodi Thraſones, splendoris injuria; in quibus augusta saeculorum claritudo, nubem invenit: adeoque caecavoragine sorbetur, ut nec fimbria lucis, ultra suas inveniat rimas. Præludunt illis tantillum, illustres Parentum Cerae, sed pro cereis funerum accensae: infando orbis dolore, sibi suaeque parentant Domui; dum putida haec, avitae famae, & Nominis cadavera, offenderint. Effervuntur ad tumulum, adhuc Indorum nati, quia nulla virtute noti; & Divorum justa dici possunt, si tot sacrorum Penatum sepulchra, incapaci effodiantur in urna. Et tales sunt profectò Majorum suorum vespillones; in quibus fons ipse luminis deficit, quod parem, ad illustria meditata depoluerint animum. Facile utique Cælum usque ascendens decreſcit flamma, si ei continua non admoveris alimenta; & quæ non pridem, ad delictum lampadas solis æmulari visa, mox de cineribus suffocato carbone, ad gravem oculorum molestiam fumabit. Accensis Romani triumphalibus superstitionis pietati rogis, ne illa luminum serenitate, postera deficeret ætas, traduci à Superis ingenio, custodes intelligentias Vestales, ardentibus deligebant focis. Sic volunt Majorum Cerae delicate tractari; nostris aluntur virtutibus, moetrice ingentium operum servantur indole; quod si eis nihil adjecerit, laxantem colligunt comam; & nec tantum etiam posthumæ relinquunt memoriæ, quod olim arsere. Abortiva hæc naturæ monstra; in quibus illustres luminum ortus, dum vix meridiem intrant, denso nubium exagitati tegumine, profundius occidunt. At verò Illi semideis proximi, Divo Parente Jove, non indigni Apollines, sive Æneâ Iuli, qui semel acceptum à Majoribus

ioribus suis genethliacum splendorem, vivis meritorum
augent radiis, adeoque; illumem servant, ut Solem dice-
re possis, eò gratiorem, quod notas; quas ille quò casu
contraxit; non habeat. Pulcherrimum hoc, & felicissi-
mum in Te o PRÆSUL! videri potest; qui maximum à
Majoribus genus, tantum rectefactorum imples ampli-
tudine, donec superes & vincas. Et hinc etiam, quos
sequi videris, Antecessores præcedis; aliorum enim col-
ligere vestigia, exiguum, nec Tuæ magnitudinis censes:
ampliora, dum Tua æternitati imprimis; quæ posteris
imitationi servabit: dicetque hæc virtutes processisse
omnes. Nec dubiam faciet fidem: facilius enim, vel suis
testimoniis credent, dum modicos emetiri passus, ad in-
gentem optabunt gloriam; & amplioribus usque ad fati-
gationem Olympiis, nunquam aut raro poterunt. Hæc
nos virtutis Tuæ spatia, præfagientis divinatione animi;
cùm necdum è cunis excessisti, orbis sibi theatrum, requi-
rere vidimus. Stupuimus tenellas corpusculi angustias,
illam jam præferre Majestatem, qualem cùm difficile in
alijs, sollicitus annorum labor, per longa effingit fastigia;
pendebant vultus, oraque Procerum à frontis Tuæ liliato
candore: ut solent à floribus apes. Provocasti inde om-
nium auguria, & magna de Te facile percipientibus; ma-
jora promittebas: ipsa etiam naturâ, majus quid expe-
ctante, quàm dederit. Irritasti tunc cogitationes Prin-
cipum, qui cùm parem sibi in Infante videre animum,
luctari meditando cæperant; numquid æquale futuræ
magnitudini prædicere possent. Summis maxima, ma-
ximis superaddebant majora; & nondum ad aures Orbis
dicere ausi; & si nihil jam superesset altius: cùm hæc
minora adhuc indole Tua cognoscerent. Quilibet tamen
sibi vates, & augur extitit, sapuitque ex Tripode; quòd
Tu, quæ sublimia animò destinabat, intelligeres: jam e-
nim manibus eluctari, jam dextram porrigere vi-
debaris. Contendit virtus, & natura, adhuc in flore de
palma; vulgaribus Te beasse donis, parùm existimans ni

prodigiosa suffecissent. Miracula in Te utraq̃ue exhibuit,
ut postquàm admirationem omnium exceiserint, Tuæ
tantùm capacitati paria haberentur. Nimirum non illa
expectavit tempus; non hæc annos: unusquẽ Orbi docu-
menta dedisti, immaturam ætatem, virtutum posse autu-
mnare fructu: & cùm nondum dierum calculo, merito-
rum saltim, grandævam videri: sic inter bullas, & cre-
pundia tractari ea; quæ senilem poscunt animum. Hæc
Tuus vix à fascijs evolutus egerat, provectiori ad altiora
desideriò, humilia & indecora, tanquam jam intelligeret,
cùm nondum posset, occulta quadam dissimulatione con-
temnendo. Prætextam; adolescentum decus, nunquàm
Te induisse, probata morum declarasset Majestas, si absq̃;
hac, incessisset modestia. Nempe sola Te hæc juvenum
virtus, quæ ad grande spectaculi illicium, oculos, gestus,
& totum efformaverat corpus, Ephebum adhuc prodire
visa; cùm Virum audirent universi. Crevit tecum in-
doles: semper tamen prævit ætatem; quam non pri-
mæ eruditionis tyrocinia, non præceptorum tenuit expe-
ctatio. Magis à se, quàm à Magistris adjuvari solita, fa-
ciliùs comprehendit difficilia, quàm illi explicârunt: &
cùm adhuc docere vellent, jam scienti omnia loqueren-
tur. O cæleste Achillis ingenium! quò nihil Chironi de-
siderabilius: Musis, sibi que ad delicia efformatum, non
longam dierum solitudinem. Nulla enim profectus
Tui admiseras tædia, mox Cælestem entheum, mox spi-
rabas Apollinem: non sensim, sed ad magna natæ men-
tis exacta promptitudine, suaviter in Te complexus,
quidquid pietas, ad Divorum cultum; industria, ad inge-
niorum polimen; doctrina, ad sæculi elegantiam; nutri-
vit, excoluit, produxit. Quæ Tua erat eloquentiæ Ma-
jestas? quæ à fontibus Tullij ambrosia? prælibare adhuc
magna suavitatis perfusione, avidæ Procerum glorian-
tur aures; & eo superos loqui ore, usque ad juramentum
enuntiant. Attica Platonis mella, concedunt Tuo elo-
quij Himetto; si spectes dulcedinem: fata, Cælum, &
hostis

hostis concedunt, si utilitatem; quæ suades: necessitatem;
quæ mones: securitatem; quæ promittis. Ægyptiam
aliquando Memnonis statuam, solis ad aspectum dicere
Pœticus audivit orbis: silent ad Tuum Oratores, emor-
tuæ triumphantis eloquentiæ statuæ. Nempe procul à
suis recedunt sensibus, dum Tuorum subtilitate tenentur,
nunquam diviniore quam frequentî hac sui amissione, ha-
bituri. Tam mellitâ facundiæ linguâ (quod nunquam
cogitasti) Ossolinum nobis in Te persuades, cujus magnæ
eruditionis fascēs, à Tuis metimur. Dediisti hoc omne
Poloniæ, quô illa in suo Tullio gloriari potuit: unde ac-
crevit animorum cognatio, quam Domus ipsa inchoave-
rat. Quæ verò hæc Verborum parsimonia, doctam præ-
dicet liberalitatem dicendi; cujus singulæ voces, gem-
mea pluunt pretia, his Lechicum Orbem ditaturæ. In-
fusus jam fontibus Oratorijs Euripus, quodque olim lym-
phâ imaginem reddente, dulces PRÆSULIS ferebat vul-
tus; adhuc sua felicitate superbit: & ad partem panegy-
ris venit. Iactat fronti huic sua Aristotelis commodasse
conchylia; quæ nunc gemmas Tiaræ, decus addidit pur-
puræ: & suum orbi elogium loquitur, non ipsam The-
tidem pretiosâ supellectilî, ornandis Regum prodesse co-
ronis. Et certè non tantum fluctivagus Dictys, licet e-
rythreis naufragetur sub undis; aut aptior Indus à depo-
sitario naturæ colligit sinu: dum onusta præda divitiû ma-
nû, felix quòd non ipse periculi spoliû, expectantes
enatat ad ripas: quantum tu illud; quod arcano apud
Platones, Aristoteles tegitur, vastissimi capacitæ Intelle-
ctûs extraxeras. Absorbentur aliorum mentes, vorti-
coso difficultatum circuitû; Tua immota stetit: quàmvis
ad usque fundum abyssale veri scrutareris profundum.
Bibisti ad satietatem de hoc latice, nunquam tamen ad
tumorem: scientiâ enim afflari nesciâ, ita supra alios e-
minebas, ut humili de Te sensu parem omnibus faceres.
Fecisti; sed Tuæ ipsius modestiæ, non mundi æstimatio-
ne, qui Angelicum diviniore sapientiæ captum, dum in

Te capere non potuit; unum de numero Intelligentiarum credidit, quod cuncta ultra hominem intelligeres. Serenissimum Aquinatis solem, qui nunquam à sacro pectore dimoveri patitur, in Tuum transmigrasse vidimus, ut felix tantorum luminum horoscopus fieret. Nempe crystallina mens Tua, diffusos latè Angelici Doctoris radios, centrale collegit ad punctum, & finem lucis Thomisticæ fecit. Non erant Sacra Theologiæ arcana, quæ Tuo non includeres pectori; ut se amplius panderent, & paterent ingenio: non erat speculationis altitudo, quam elevata subtilitate mentis non ascenderes; summus Aquinaticæ Summæ Comprehenfor. Si Personas in Trinitate distingueres, distinctos audientium uniebas animos: quod una omnium, & angusta fueras cogitatio. Si de voluntate DEI discurreres, mentis Ejus interpretes audiebas: si tractatus de virtutibus disceres, leges Tibi scribere videbaris; semper sub ijs victurus. Quare præcellentissimus ille animus Tuus, cum è Cælo Patrio, tantum jam attraxerit luminis; splendorem non ut acciperet, sed inferret; exoticas fatigavit oras, phæbeo passu cultissimas Europæ lustrando Gentes, illustravit. Et sanè excessisti magnitudine gloriæ, Regni hujus terminos; nec major teneri poteras: certare de Te, peregrino suggestimus orbi, parem non habituri Poloni Nominis, ac indolis nostræ, mensuram. Dedit Te Patria exotico Soli ad lucis invidiam, quâ in adventu Tuo expalluit, quod splendoribus suis non tantum posset, quantum Tu affulgeres. Provocasti in luctam exterorum de nobis judicia, & Tua promotione causæ, gloriosi in illo triumphavimus foro, postquam laudatissimam de Polona animorum elegantia, tulimus sententiam. Multum gloriæ nostræ Majestas, Te illic Hospite valuit: quoties enim exteri avido intuendi desiderio, attonitos in Te defigerent oculos; patriam ijs affudisti lucem, & sole suo Majorem in radio videre. Ea, verò oræ illæ felices, quibus Te intuleras, plaudebant lætitiâ, ut gaudia sua non caperent: rursus, excessit mæror dolendi

lendi modos, dum Te abire sentirent, perennisque luctus
irritamentum erat; à præsentissima adhuc Imaginis Tuæ
pendere memoria. Pendebant tamen omnes, & toti
pupillæ vivam esse desiderarunt; cæterorum fortunæ
invidendo; quibus Te diutiùs commodabas. Sumebant
enim ex Te peregrinæ Gentes; quastransibas: quod alijs
ostentarent, quos ad morum elegantiam instruere vellent:
cuncta enim exhibuisti spectatissima; quæ adhuc Palla-
dium omnis experientiæ illud latuere. Per vices itaque
Te sibi promittebant, exteræ nationum porrigere Gentes,
ut omnes ea attingeret felicitas: prius tamen ubique
fueras antequam venisses: sed quia totum fama pingere
non poterat, major occurrebas. Divino quodam jure,
vera gloria unius loci angustijs, contineri non potest: toti
se communicat Orbi, ubique præsens, ubique nota. Adii-
sti Italiæ & orbis Caput, ut mentem Ejus pro DEO, &
Ecclesia haurires: venisti ad PETRAM, ut Apostolicum
zelo fidei pectus solidares; quod dum jam suspicit hære-
sis, expectat ultimam Te PRÆSULE cladem. Ut ve-
rò Tantum Advenam salutavit Romulus, profluxit Tibi à
Tiberi major gloriæ, quàm aquæ ductus; postquam Ro-
ma ejus circumallui poterat amplitudine. Consulares
iterum in Gentilitia Securi adoravit Fasces, & sæculorum
memoriam fatigavit: quidquam ne hæc plus habuere illi
splendoris Majestatis? Sed desiderio pretiòque Tui reli-
ctò in Urbe, flores Galliæ miratus: postquam ex ebore ni-
veæ mentis, liliatum horum superaveras candorem;
quem etiam emendare potuisti, ad politiores Orbis a-
mænitatem; jam omnis eruditionis gloriâ Florentissimus.
Ver in Te suum Regni Ejus habuere Lilia: quidquid Lu-
tetia, Sorbonæque cultiores responderunt Delphi, exhau-
fisti: unde nihil sæcula sapient, quod Tuæ non referent
gazæ. Totam tandem emensus Europam: longissimum
iter Olympia Tua ostendit, & Patriæ tædia irritavit; quæ
Te optabat venisse maturius, quò citius desiderabili sola-
tiò frueretur. Rediisti ad nos o PRÆSUL! & omnes

L

exces-

excessu lætitiæ ultra orbem; extra se abiêre: tenuitque
attonitos insolita quædam voluptas; magis tamen Tua
Animi magnificentia; quæ Regnum admiratione, spe Pa-
triam, famâ implêrat Europam. Obviabant Tibi festivo
Urbes nostræ occursu, cum, plaudentibus undique populis,
vias omnes, quâ in Patriam descenderas, magna virtutis
Tuæ admiratio cæpit: quantoque magis ad omnes acces-
seras, crescebat apud omnes magis. Suavius erat interea
nobis, Cælum frontis Tuæ, quam Solem dignari aspectu:
pleniori enim felicitatis nostræ manabat amystide. Quis
referat? pulchrius Principum purpuras ad Tui conspe-
ctum fulsisse, quasi suam in Te felicitatem intelligerent,
etsi sensum negavit natura. Quis confluentem in horas
Procerum multitudinem, festivos salutantium plausus,
omina voces? quis referat? quo sermone, qua cogita-
tione, grande ex Te aliquid, ac propè Divinum Polonæ
præfagiebant fortunæ, universi. O si per naturam licuis-
set! vidisses illa, à desideratissimo aspectu Tuo, cordium
tripudia; nec faciliè componenda quamdiu ea, vocis ac
vultus harmonia, incitabas: advertisses Te ambientium al-
loquii studia; quo Principes animi exsatiari non pote-
rant: cognovisses etiam, quæ erat secreta Procerum in-
dignatio, dum illis plurimum in dulces affatus diffuenti-
bus, novus aderat hospes; & Te, vel ad illud salutationis
momentum ferebat ex oculis. Versabaris continuò inter
Principes, & adhuc desideria Tui provocabas: diem e-
nim solidum, horarijs tantum metiebantur clepsydris;
quibus aderas. Et sane plurimi Te Magnatum circum-
sistere, multi ambire, singuli adire quærebant: & eras u-
nus omnium votum, unus amor. Detumuit plerumque
iusta magnitudo, altiori associata fastigio: poterit à mon-
tibus despectari Gigas: ecclipsantur sidera, quoties ad So-
lem accedunt. Nihil hæc naturæ dispositio in Te potuit:
aderas purpuris nondum illis indutus; nec quidquam ta-
men Tuæ æstimationi decesserat; quibus Te parem, om-
nium fecit destinatio. Ornasti accessu Tuo Tiaras, non
dum

dum Ipse Infulatus; licet Te ijs totius Patriæ vota adorabant, ut prius Pontifex videreris, quàm esses. Indignabantur Vittæ, tam faustæ omnium electioni, quòd se præcesserant: venire tamen prius non poterant; quibus Tua præcluserat aditum modestia. Serò & suspensâ passibus progredi ad altiora volebas: lento enim tramite procedunt ad præmia merita: tardissimi sunt gradus magni Sideris, hîs tamen ab auge non deflectit. Nihil sibi appropinquat festinatio, quàm leve orbis iudicium: agilitas fluctuantis cymbæ, vacuum esse prædicit: inopinata aëris incensio, fatuos ignes, ejectionem nubium indicat. Longius meditatur iter, qui deliberato & ex tempore incedit passu: citatiores enim Stadiodromi, promptius quàm ivêre quiescunt; quos raro præceps ad sublimia ambitus, non præcipitat. Differre tamen virtutibus Tuis, non poteris præmia: quin Te Sacris initiarent Honoribus, ad quos jam ampla satis merita, perfecisti. Acclinavit Cracovia ternas Vavelli Coronas, vel quod nihil in Te, non coronandum viderit; vel quia ad summa iturus à diademate Tuæ dignitatis tyrocinium inchoasse debueras. Primo Te Canonicum illi Cathedræ dedisti, & jam par Infulis in illo Episcoporum Seminario, Pontificias attigisti virtutes: tales enim in Te erant, & si nondum Tiaratæ. Adiisti Vavellani Senatûs illius Culmen, ubi Hyblæo virtutum flagrasti decore, ut omnibus Te in tantæ suavitatis illicio, commodares. Quantum sumere placeret, licebat ex Te: flos pietatis, morum, & vitæ integerrimæ eras; à quo Dioecesana Cleri pendebant agmina, quemadmodum à rosa apes, & mella sanctitatis condebant. Nimirum nemo fecit melius: vixit perfectius nemo; quàm qui ex Tui exemplo: nec erat qui non ex illo & fecit, & vixit. Puncto enim majora dabas, quàm à millibus possent: unde nihil supererat orbi, informando. Eminuit in Te Religionis zelus; quò sanctiores etiam Numas superasti: ad Aras divinum quoddam exhibuisti Numen: ita sacra agebas, ut non atten-

tiūs Pietas. Vivit hæc in Te; nec tantum Cælestes vultus
signavit in ore; sed ipsam inspiravit mentem: veluti Numen
sui vellet substitutum. Et sanè dedit Te nobis ea felicitate;
quâ nec ipsa melius præset: totum jam enim in Te, & per
Te potuit; quod aliquando in Superos fieri optavit. Pro-
motio Fidei, Superum cultus, devota in pauperes Christi
liberalitas, non nisi Pontifice dignæ virtutes erant: adhuc
tamen angustam submittere frontem, Sacris nolueras Tia-
ris: sed ælatrix meritorum Roma, ultrò primam im-
posuit; quæ aditum alijs impetraret, **CLAUDIOPO-
LITANUM** Te renuntiavit **PRÆSULEM**. Posthanc
SUFFRAGANEUM, & Sux Cathedræ suscepit **PRÆPO-
SITUM**. Tot in Te conspirarunt decora, quibus Tu no-
vum accesseras decus: occurrit fortuna honoribus cumu-
latur, ac honores meritis, & dotibus animi cumulatiores.
Variati crebrò tituli, Mens immota mansit: etiam in tot
fastigijs non elata, sublimis tamen; cui Præsuleus Scipio
ad pietatis culmen præbat: impositæ ad verticem Insu-
læ, Cælo animum porrexere. Sufficiet ne recensendo ca-
lamus? quò emolumentò virtutum? quò Cleri exemplò?
quò scelerum metu? hujus Diæceseos Officialem egisti:
Tu ne, an Sanctimonia, & ipsa Æquitas, consulat flagitia
sua, & stragem graviter condemnata impietas: dispiciat
plenius magnò semper patrociniò protecta innocentia.
Triumphavit hæc semper Te Iudice, quamvis omni de-
stitueretur potentiâ: & quidem eâ fiducia, ut non alia
quereret suffragia, quam à se ipsa, & se ipsam. Suffe-
cerat hæc sibi; sed in Foro Tuo: metum enim alibi, &
pænas trahit, si non contracta ad pretium manu, Curiam
pulsat. O utinam Superi! vota, conatusque Tuos audiant,
ut Tu supplicum causas; in quibus ea tantum admiseras
præjudicia, quod publicam eò loci egisti Personam, pri-
vatæ semper similior. Hinc illa facilitas, quâ Te omni-
um usibus impenderas: hinc pauperrimum suscipiendi co-
mitas; quâ nunquam in audiendo, in respondendo nun-
quam traxisti moram. Porro tantum Te omnibus ex-
hibui-

hibuisti facilem; ut alij nec sibi tractabiles. Aderat querulantium turba, non fores, non aures obtundebas; attollebat indiga manus libellos, Tuâ calamitatem subleabas: jamque in ædem fortunæ inferri inopia credebatur, quoties in Tuam. Divinum hoc sed & Tuum o PRÆSUL! nunquam enim Principes animi propius ad Superos accedunt, quàm dum ita populo prospiciunt. Vidit has in Te virtutes Polonia, & tamdiu quasi ipsa secum meditans, an pares Tuo Capiti habuerit Infulas? magnitudinem Animi prospectabat; donec didicerit infra eam reppisse, quod aliis totâ etiâ supereminet fronte. Obtulit: tamen primo, LIVONIENSEM TIARAM, decrevitq; sæpius coronare Frontem, quàm semel ex toto cingere non poterat. Adiisti novam hanc Regni dignitatem; quam cum merita Tua præoccupassent, altius ipsò fastigiò crevit, quòd Tibi accesserit. Et hujus purpuræ tramite, postquam Polono Orbi Tua meritorum impressisti vestigia, cum penè totum calcares, ad hoc Te hodie Superi deducunt fastigium; ex quo Sacri Regiminis Pedit, suppedaneam non jam in parte, sed Majorem habebis Poloniam. Et ita sufficiens obtulisse debuerat, quæ virtutibus tamen Tuis nondum ampla, major haberi non posses. Novit harum pretium Roma, noverat Urbis & Orbis Caput CLEMENS XI. qui cum omnia sanctissimè egerit; quid melius Ecclesiæ potuit? quàm ut Petri Cathedræ PETRUM reddidisset. Arcanum hoc Cæli, & superna destinatio in Te o PRÆSUL! evoluta: ad tam triumphalia Ingressus Tui festivos Poloniæ movet plausus. Hinc intuere, quos comites habes: Majoris Poloniæ Proceres, & penè totus Regni Senatus, effusæ Nobilitatis agmina, ingentibus assistunt gaudiis; sentiuntque Sacras attolli SECURES, ad fortunæ suæ securitatem. Erumpunt undique Populi, & vicinum felicitati Suæ conjiciunt diem, quando Tuâ ruberè Purpurâ, suas vident Posnaniæ Turres. Salutant Te in primo Cathedræ Ingressu Coronati Regis BOLES LAI Manes: Occurrit PETRUS, qui pro Suâ

PONINSCIAE hîc insedit NAVI; in qua virtutibus & me-
 ritis PRÆPOSITI, tanquam suis impellitur remis. At-
 tollit triumphale KIERSCIANÆ CRUCIS labarum, ut in
 Te hostes Fidei terreat; quorum allisam humo frontem
 palmarum DECANI Soleâ conculcabit. Imò jam WIL-
 XICCIIS Cathedræ hujus ARCHIDIACONI FASCIIS,
 purpureas GODZCIORUM innectit ROSAS: cognovit e-
 nim sic Te Ecclesiâ, & Patriâ curas suscepisse, ut non sua
 eventum destitueret Corona. Admoveret Tibi OPALI-
 NIAM in CUSTODE Sanguinis Tui NAVIM; ut quem
 Nomen, zelus Apostolum fecit, hæc etiam PETRUM om-
 nibus signet. Promittit in Gemino CZAPSCIORUM SI-
 DERE propitium Tuo Regimini Cælum; cui ad nutus ef-
 se ne dubites, SCHOLASTICUS erudiet. Porrigit in
 MIERZEIEWSCHII ACERVO, uberiores annonam, ex
 quo non ipse ARCHIDIACONATUS SREMENSIS,
 sed tota Dicecesis sanctioris vitæ sumet alimenta. Ibit
 tandem super Æthera Pennis KAZNOWSCIANÆ in-
 structa ALITIS Tui Nominis famâ, quam Orbi suo lo-
 quetur coronatus WEZYKORUM SERPENS. Exa-
 rabit hæc, quæ Petrus promittit IVANSCIANA Cancel-
 larii SAGITTA, & perpetuis signabit marmoribus. Sic
 decora in PRÆLATIS Suis obviâ venit PETRI Cathedra,
 & pariter CANONICORUM circumstat apparatus: ita
 Pontificio applaudens Honori, ut præconceptam ex In-
 gressu Tuo Patriâ, & Ecclesiâ denuntiet Orbi felicitatem.
 Acclinat licet à longè Sceptringera Mater, prima Regni
 Schola, Universitas Cracoviensis, literarios PRÆSULEO
 Nomini Fasces: occurrit cum Posnaniensi Academica
 Pallade, & frondes LUBRANSCIANÆ PINUS in trium-
 phales Ingressus Tui insinuans Arcus, singulare Palladij
 præsidium, Tuam exoptat ASCIAM, cujus Divi-
 no planè firmatur robore PATRIÆ,
 & ECCLESIAE securitas.



BIBLIOTH. UNIV.



UNIV. LOND.

Biblioteka Jagiellońska



stdr0022108

